



越風

卷十一
卷十三

五



越風卷十一

會稽商 盤寶意評選

山陰劉文蔚豹君

叅訂

會稽宗聖垣芥颿

山陰王大治又新編輯

宋祖昱

字斌貽號西洲會稽人諸生著有西洲類稿

京師時新城王尚書方主盟中夏西洲投詩為贄

不過四韻一篇聊通鄉貫而已其傲岸如此又山

西洋獅子歌



九重天子垂衣裳。異物遠致由遐荒。自昔康熙歲戊午。
狡狴入貢來西洋。大句臚唱千官入。兩階千羽如山立。
舞蹈爭看回鶻裝。梯航倏至波斯客。崔巍鐵柱雙銅環。
玉除丹陛蹲獅蠻。猛氣潛消殿庭內。虺聲猶撼雲霄間。
據地迴身時一吼。白象摧藏老熊走。俄驚瓦震昆陽城。
復覩風馳土囊口。鋸牙鈎爪見分明。曾向烏丸識舊名。
小苑銀墻高置砦。上林金鎖怒攀楹。從來此物稱難得。
萬里追風猶咫尺。條支海上夜觀兵。榆葉關頭曉馳驛。
重譯朝時不計程。月支使者憶隨行。盛來巨檻千人護。

攜出雕籠百獸驚。皇仁不絕殊方畜。莫遣山林更馳
逐。玉輦時從虎園遊。庖人日給官厨肉。羽獵長楊事有
無。從禽往往鮮歡娛。讜言早已旌家令。廷論何曾重嗇
夫。聖明留意安區夏。奇祥異瑞升聞寡。絕域寧須獻
白狼。新聲無復歌天馬。鼓罷南薰雅樂成。遙瞻率舞在
虞廷。重瞳御世康民物。一奏簫韶詠太平。

莊重得體不
減西河一篇

洗象行

宣武門邊塵十丈。御河六月觀洗象。長槐高柳碧森森。

走。展。駢。如。山。屹。相。向。傳。聞。貢。自。西。南。夷。橫。紋。皴。掃。蒼。蘚。皮。
龐。軀。巨。額。秀。眉。目。銀。鈎。纜。出。收。瘡。瘻。一。入。天。門。守。環。衛。
三。品。官。階。護。軍。貴。芻。秣。長。支。月。俸。錢。馳。驅。每。就。公。朝。位。
先。朝。遺。制。開。象。坊。豹。房。虎。圈。紛。周。防。天。生。神。物。獨。馴。謹。
南。薰。伏。日。遊。滄。浪。澹。澹。金。溝。水。涓。潔。灌。木。陰。中。少。炎。熱。
跋。足。堪。驚。鷗。鷺。羣。投。身。已。盪。龍。鼉。窟。俯。仰。看。成。島。嶼。浮。
沿。迴。漫。數。潭。淵。澗。千。尋。碧。嶂。聞。奔。雷。萬。里。高。空。濺。晴。雪。
須。臾。不。動。浮。中。央。河。干。漠。漠。生。微。涼。極。浦。冥。濛。過。疎。雨。
層。城。一。面。當。斜。陽。紫。髯。奚。奴。挾。雙。帚。祓。濯。頻。加。不。離。手。

迴。瀾。一。洗。塵。垢。清。復。向。波。中。自。羣。友。吾。聞。香。象。曾。渡。河。
旃。檀。林。下。時。婆。娑。六。牙。齊。現。寶。華。墜。諸。天。纓。絡。金。盤。陀。
壯。觀。千。人。眼。中。見。一。幅。澄。光。淨。文。練。象。教。休。馱。竺。國。經。
軍。聲。久。息。昆。陽。戰。日。色。山。龍。映。袞。衣。香。烟。翟。羽。交。宮。扇。
赤。罽。珠。鞍。按。隊。過。他。時。對。立。含。元。殿。從。來。馴。象。致。昆。明。
滇。池。鏡。吹。扶。南。城。聖。朝。不。貴。殊。方。物。洱。海。秋。風。笑。獨。
行。

有。體。
題。後。推。出。立。言。

雲。蒸。霞。蔚。玉。節。金。和。與。前。篇。並。美。具。此。
手。筆。不。入。承。明。殊。有。淪。落。僊。才。之。慨。

包山歌

山○中○有○人○別○東○越○千○丈○懸○愁○綠○玉○髮○朝○披○笠○澤○雲○夜○臥
松○陵○月○吳○江○淨○如○匹○練○明○一○片○桃○花○卷○春○雪○飄○飄○白○鶴
擎○獨○上○包○山○陽○具○區○三○萬○六○千○頃○微○風○不○動○青○茫○茫○縹
緲○峯○頭○日○初○出○洞○庭○金○光○穿○石○室○樓○臺○照○耀○烟○霏○開○玉
宇○金○書○總○相○失○微○聞○山○隱○居○竊○往○探○靈○墟○天○地○大○文○實
磊○砢○非○時○持○此○將○焉○如○西○施○蛾○眉○難○效○鬢○年○年○歌○舞○吳
宮○春○鴟○夷○一○舸○載○之○去○五○湖○烟○波○愁○殺○人○

局自變生想落天外再世青蓮昔人論昌黎下視禹九州一塵集毫端昌谷遙指齊州九點烟一泓海水杯中瀉少陵盪胸生層雲决背入飛鳥具見詩人眼界曠濶此作具區三萬六千頃二語允推敵手

漢高帝大風玉璽印紙歌

玉璽墮地損一角神器暗禪新都王西京大業久陵替
別有古篆垂光芒崑山良璧卞和璞就中細刻三侯章
色如截肪質如雪神靈隱隱相扶將奇珍千載難自闕
一朝徑出澄湖旁久聞拜手入內府堂廉特達同圭璋
尚餘印紙不泯滅紫泥三寸形模方糾結龍螭躍科斗
風裁奕奕何煒煌想見當年浩歌作酒中慷慨神飛揚
枌榆無恙父老在安知遊子悲故鄉徬徨四顧亟拊髀
其誰鞏固俾金湯韓彭蒞醢略已遍高鳥旣盡良弓藏

牝雞司晨亂天下。炎鼎不絕一綫強。開國艱難有如此。坐令聞者增慘傷。卽今回首視豐沛。山河縱是園陵荒。芒碭無雲成五色。歌風臺上天蒼茫。願言寶此勿輕棄。一紙貴比璆琳瑯。

此作氣勢渾灑
乃西州變格

鐵簫行爲憚哲長作

伶倫往蹟殊尋常。取材嶰谷含宮商。毘陵憚生雅好事。京師買得鐵鳳凰。座間賓客訝奇絕。抉石穿雲吹不裂。精瑩渾疑一段冰。摩挲不見三冬節。當年想像煩神工。

練時出冶銷金銅。陰陽造化作鑪鞴。鑄成元氣涵虛空。攜向樓頭吹一曲。諦聽方知非竹肉。摹寫入神異響如逢磊落人。曼聲已奪參差玉。審音協律真擅場。况兼絕技嫻文章。江南冀北數游蕩。持示此世誠茫茫。嗚呼李舟烟竹勁。如鐵嚮日曾經笛師截。流傳世代幾變更。淪落泥塗罕溜湮。亦有天涯逆旅過。多年詎遣風流歇。歷下亭前覽古來。相逢又是秋時節。上古仙人去不迴。獨畱遺製翻嗚咽。木落山空不見人。一聲呼起秦臺月。
人賞其風神。駘宕
我愛其格律整嚴

于郎曲

嘉禾于郎子衡度曲於劉比部家音妙姿妍年二十四予惟吳歛越艷各有專長玉

貌錦衣乃稱獨立少陵夢得以短製言情陽羨婁東以長篇紀勝蓋詞之所著者淺而意之所寓者深也僕本羈流當茲雅集今朝晤對有人善齊右之歌他日相逢為我唱渭城之曲爰成長句并示同人

示同人

于郎清潤姿如玉。學得吳趨往時曲。笑靨分將醉里春。眉痕剪取鴛湖綠。引商刻羽稱國工。幾回踪跡畱山東。玳筵深處問年齒。雅切。二十四番花信風。先按紅牙後金縷。玉管檀槽促相語。嬌歌纔轉第一聲。驚落庭花散紅雨。古來音律誰擅場。宜春苑內呼三郎。霓裳法曲羽衣舞。

梨園子弟餘芬芳。衰遲獨有杜陵老。閱盡開元并天寶。

鬪雞舞馬記畱連。絳唇珠袖榮懷抱。晚歲江南次第過。

尋常舊識久婆娑。良辰勝景從君賞。朗月清風奈爾何。

為愛于郎好風格。正視旁觀俱嘖嘖。此日流傳崔監家。

他時轉入岐王宅。鑿貌聆音自有人。相逢何必曾相識。

美酒當筵滿似澠。落花時節意慵騰。飄零同是天涯客。

我亦無家杜少陵。

低。徊。桓叔夏每聞清歌輒喚奈何。一往情深自傷漂泊。觸景發杼嚼墨一噴跌宕不止。覺張季鷹周小史一篇未為淋漓盡致也。

桃花書屋歌為王郎作

君不見秦淮江上春波綠。桃葉桃根渡江曲。王郎二十
 足風流。却傍桃花築書屋。桃花開時紅滿枝。相看春日
 何遲遲。疎影東西過戲蝶。好音上下鳴黃鸝。獨倚書牕
 戀芳樹。對景踟躕不能去。天晴綺夢散如雲。日出紅香
 結成霧。呵花嚼蕊凡幾回。曾煩雨露深滋培。餐桃漫逐
 仙人去。種樹誰尋道士來。為愛芬菲顏色好。落向枝頭
 休便掃。近水千層錦浪生。綠隄一片彤霞曉。花落明年
 依舊開。攀芳客到重徘徊。蘭亭禊飲人三月。金谷詩篇

酒百杯。不道韶光等閒度。屈指濃華幾朝暮。采藥山前
 誤阮郎。乞漿門內愁崔護。落瓣殘英絕可憐。遺鈿墜珥
 共纏綿。綠珠體弱全投地。紫玉魂輕已化烟。當時歌舞
 聲催送。一曲離鸞將別鳳。鬼語長聽蜀伎墳。仙遊俄失
 秦人洞。花樹迷離本斷腸。渡江舟楫悵王郎。不知何處
 桃花水。流出人間脂粉香。

○亦○春○水○茫○茫○一○往○無○際○
 西州古風與唐人合度而
 能自出機杼所以可傳

青琳堂歌贈韓無我

君不見周人掘鼠強稱璞。鄭賈來觀本非玉。又不見宋

人得石梧臺巔。囊中什襲凡幾年。世間真偽寧有定。一
經好事供流傳。韓侯堂中有尺璧。太古精英綠沉色。瑚
璉比貴玉比貞。除是青琳總非匹。主人抱壁居此堂。文
牕曲檻分周行。坐攬圖書挹清潤。行看琴筑含輝光。堂
中賓客俱回首。異事經時在人口。自來貽贈重英瑤。長
遣詩篇賦瓊玖。聞道今皇御極年。欲窮山海躡風烟。
試探河源遣都實。莫辭博望封張騫。漢代通侯有遺裔。
鑿空遠作乘槎使。織女黃姑定有無。蒟醬邛枝競羅致。
崑崙山頭石氣青。海波如乳翻春星。層城十二此間是。

雕鐫白玉成。山屏屏風差峩高十丈。琪花瑤草紛相向。
躡足猶臨霄漢旁。置身已在風雲上。俯視朝陽半嶺餘。
金輪迸躍行空虛。目迷五色燦沙礫。紫球金蕊紅碑磔。
瑤光一顆偶然墜。化作瓊瑰落塵內。雅青水碧相盪摩。
百尺琅玕誤推碎。一時拾掇懸馬頭。王母珍惜仙娥愁。
閩風奇寶難久閱。遙隨使節來中州。鎮日摩挲看不足。
遠勝流黃并結綠。自探靈境到瑤池。不枉名山號羣玉。
韓侯愛寶兼好奇。致齋三日方攜歸。國工袖手不敢鑿。
一朝徑釋旁人疑。登堂作記叙疇昔。持示名流詡難得。

入。席。衣。沾。積。翠。寒。卷。簾。帽。點。空。青。濕。賓。朋。滿。座。酒。滿。樽。
綠。蘿。丹。荔。環。重。門。春。山。婉。變。出。几。案。晴。螺。拂。徧。無。纖。痕。
意。氣。何。妨。共。終。古。肯。使。琳。瑯。雜。珉。珞。擬。求。仙。術。種。藍。田。
憶。得。靈。根。植。元。圃。吾。聞。往。昔。明。盛。時。白。環。遠。致。流。沙。西。
遐。方。異。物。時。入。貢。或。繙。玉。冊。函。龍。泥。圭。璋。特。達。期。有。用。
豈。合。隨。人。資。玩。弄。抵。鵲。方。同。一。葉。輕。藉。茆。頓。較。千。金。重。
韓。侯。妙。鑿。稱。入。神。他。年。識。者。能。傳。真。好。將。趙。氏。連。城。價。
問。取。荆。山。泣。玉。人。

才氣橫逸而書卷足以佐之能使題無贖蘊昔人云長吉之天東笠之窮玉溪官不掛朝籍皆坐挾摘物

情太甚吾於西洲亦然

題任鴻遠秀才觀海圖

吾聞任公子東行釣溟海五十巨犗垂長竿浪屋濤山
雪皚皚妙手欲下無凡鱗遺跡千年至今在任生壯歲
何好奇遠探日窟窺天池濯足還臨沃焦釜掛帆遙拂
扶桑枝終古何曾見疏瀹積水茫茫浸雲脚雨漂陰火
散如星夜靜天風鼓成橐此時宴坐心轉閒杳冥汨沒
山林間巨鼇鼉作人立抃舞首戴三神山金銀宮闕
正縹緲遊戲仙人出雲表花落花開珠樹春潮生潮沒

滄波。曉。飄然逸思不可裁。擬變金骨。凌蓬萊。丹青慘淡。
 寫深意。褰裳濡足。空遲回。咫尺瀛壺。本清淺。元髣髴。
 未衰晚。世人不免。望洋驚送客。都教自厓返。從來巨澥。
 無津梁。颯輪羽。駕時迴。翔培風。九萬天。高下激水三千。
 路渺茫。披圖為製。觀海曲。震蕩烟瀾。撼坤軸。餌大投。多
 始見功。憑君一釣。連鰲六。

宗仰太白而取其神不襲其貌遂能杼軸予懷不向
 如來行處行乃證無上果位昔雲門說法不喜人記
 錄以為異日禪取今世
 學者難免高僧訶斥矣

故明宮人楊氏度曲歌

大明湖水年年綠。旁有佳人在空谷。淪落泥塗五十年。
 白髮猶歌太平曲。當時少小住山東。為選蛾眉入後宮。
 初見黃門頻指鹿。俄看朱邸倏飛龍。真人御極安區夏。
 金甌端拱無纖罅。復且賡來拜手餘。南薰鼓就垂裳暇。
 宴坐朝元一事無。偶當承值奉歡娛。流傳樂府翻河滿。
 檢點新聲逐念奴。玉熙宮裡曾開譙。咬春燕九從遊徧。
 郢雪流風拂彩衣。梁塵映燭飄紈扇。曲好頻移繡柱筳。
 歌成屢賜黃金釧。也識朝廷久晏安。偕賞風光共流轉。
 忽報潢池起弄兵。西來豺虎正縱橫。那期大內彈琴罷。

博得中原戰鼓驚。從此宸衷慘不樂。邊絕聲音止絃索。
過錦工師出教坊。投壺玉女閒官閣。鳳紙停呼菊部頭。
龍樓輟奏梨園樂。水調餘音漸失亡。霓裳散序多零落。
今春憔悴復明春。掃殿焚香作散人。長觀君王憂赤子。
誰令官闕亂黃巾。煤山夜半何倉卒。海棠落盡風蕭瑟。
阿監同時捧壽宮。千官不見朝温室。無數紅妝殉御溝。
正擬相隨復相失。太液滄波鵠下來。上陽花片鶯銜出。
黃純潛易內家妝。張掖門開急走藏。拋擲綺羅逃劫掠。
遷延道路轉尋常。徑別燕京適齊魯。漂泊仍歸故鄉土。

織布漚麻結比隣。采薪汲水支門戶。疊在衣箱不計年。
深宮剩得當時譜。點拍依稀微字畫。訛宮商約畧歌聲苦。
錯將天上紫雲廻。翻作人間綠么序。不惜尊前發曼聲。
一曲將終淚如雨。往昔繁華等逝川。尚餘選侍在民間。
三朝彤史誰能紀。一代紅顏絕可憐。老婦今年總遲暮。
短艷長趨迥非故。耳目神明久未衰。伶倫節奏遲偏悞。
屬和難教楚客聞。尋聲漫遣周郎顧。夜雨凋殘玉樹花。
浮雲隔斷蒼梧路。冬青枝上杜鵑啼。送墮胭脂不知數。
我聽清歌倍慘傷。白頭宮女話興亡。天荒地老無窮恨。

莫唱開元舊樂章。

叙家國之興亡嘆年華之流轉風雲變色花鳥驚心
俱以數寸管宣之如對自下秋娘滄陽商婦時也
婁東以此體擅場蕭史青門永和宮詞諸篇膾炙人
口西洲才調何減梅村中原相遇正當把臂傾心

劉伶臺

一片長淮水。劉伶醉酒臺。帆隨江樹轉。城壓海雲開。蕭
颯。天門嘯。飄零沛國才。二豪長侍側。此意亦雄哉。

連下八首皆氣體深厚不墮宋元
然作者古勝於律已卓然可傳

重登釣臺

晚日憑高望。重來憶故侯。誰憐淮上水。猶是漢時流。高

鳥黃雲暝。荒臺碧樹秋。綸竿尋舊約。此恨總悠悠。

巢陵城

孝武河西渡。移民事可徵。雲沙埋魏郡。風雨暗巢陵。汨
沒空三版。漂搖減百層。猶聞原野外。春薦幾沾膺。

七夕歷下亭作

河漢秋前約。山川歷下亭。城陰交地。利。天。時。屬。對。穩。貼。水。天上渡雙星。月
漾湖光白。雲含石氣青。南飛有烏鵲。此夜恨飄零。

立秋前一日齊河曉發

海右經過地。河平嵐昔遊。晨光催月墜。暝色帶星流。車

馬煩猶數。關山老自愁。客心如落葉。明日又經秋。

暝色帶星流。五字寫出暗中。熟視真景。結語天然。奏泊。

題光嶽樓。下。餘。青。南。燕。百。無。錯。此。文。身。題。卷。

縹緲層樓拂太清。上窺天宇下神京。橫分閒氣三千客。迴落晴光七十城。日盪滄溟遙見影。雲連清濟去無聲。

金泥玉檢何年禪。為告中原久治平。春蕪對出帆。

立局整嚴。選言又復。清朗。心。賦。賦。風。雨。部。集。對。是。學。浣。花。而。得。其。鋒。稜。者。

講武臺

講武亭空識舊名。南朝往事有行營。關門虎豹傳三畧。

幕府風雲按五兵。臺上射書星欲動。城頭布鼓夜無聲。

寂寥趙宋山河外。蔓草荒原古博平。

高陽氏陵

東郡餘靈寢。高陽有闕宮。承雲留雅樂。若水著神功。佐

帝欽殊烈。乘乾識令終。九黎消亂德。八凱襲遺風。星宿

蒼龍歷天人。白虎通可知。埋玉地猶在。頓邱東。

孟鳳苞。字西明。會稽人。選貢生。孟丈為余芳隣。一

仕亦文士之失職者也。家有夕葵園。梨花數本。高

出軒楹。春時招飲。其下如入瑤圃。昔人以此花為瀛洲玉雨。信然。

賦得峭華烟雨送友

峭山華注秋迢遞。烟雨冥濛起天際。但看一片暮蛟綃。無復雙峯縮螺髻。縈青繚白數俯仰。夙昔憑高寄幽賞。丹竈雲深不見人。華泉樹暗猶聞響。君去依然在二東。眼前離合思何窮。應知尚有登樓客。相望輕陰暮靄中。

情緒既深
音節更協

南湖秋泛

畢竟真巖壑。非同畫裡游。寒花溪女貌。亂荻釣翁秋。魚鳥閒如此。雲霞撻得。不何人吹鐵笛。正倚夕陽樓。

起超覺宗少文

臥游眼界未曠

陳祖烈 字夢陽 會稽人 著
有玉鹿山人詩集

咏史四首

海上求仙去不還。瀉池遺壁識龍顏。旌旗複道通寒日。

風雨長城鎖亂山。碧馬影沉紅粉閣。金雞聲斷白雲關。

楚人一炬憐焦土。渭水溶溶宮樹間。後秦

玉介畱根長病源。巴陵往事忍重論。花茵曉樹春風急。

曲宴銀鎗夜雨昏。桂殿爐紅宣妙諦。蓮臺月冷夢君恩。

請看處士齊書贊。趙鬼西京賦斷魂。南齊

千重鐵騎帶河吞。冠履心悲安可論。三峽樓臺連朔漠。六陵風雨自黃昏。銀箏小鼓天魔舞。槌髻穿衫月下魂。回首穠華今宿草。鵑啼聲徹上金門。元史

十載金陵應異雲。幽燕消息杳難分。雕盤玉盃千秋頌。

鐵馬銅駝百戰勳。四鎮蟲沙今寂寂。六王龍虎昔紛紛。

梨園但恨佳音少。無復新宮憶舊君。明史

玉鹿咏史詩多至數十首填塚史事必使胸無臆意而止茲特取其清麗諧暢者

姜垚字蒼崖會稽人

汴梁懷古

山河襟帶兩京同。極目層樓雉堞雄。赤壤猶傳周舊邑。朱門無復宋遺宮。飛沙晝暗聞嘶馬。衰草春深見落鴻。一自梁王賓客散。月華流照吹臺空。

與後一首俱有北地遺響

澶淵

突兀孤城散野烟。路人遙指古澶淵。白楊青草迴鑿地。紫駱黃羊款塞年。郡縣已開新版籍。風雲不改舊山川。北門鎖鑰今誰是。空紀前朝相國賢。

傅仲辰字蒼野山陰人著有心孺詩集心孺諸詩雖非巨觚連檣尚屬舟中輕利

夢覺

夢覺香來好。黃花伴草堂。江聲兼落木。月色帶嚴霜。計

拙驚時晚。愁多識夜長。所欣塵事遠。覓句為秋忙。

揚州夜泊

暮雨垂楊細。春風廿四橋。人投江市火。帆落海門潮。舊

業餘長鍊。新詩寄一瓢。何人吹玉笛。腸斷故山遙。

姑蘇晚泊

飄渺笙歌聽有無。停橈落日客心孤。村餘花柳春如畫。

市賤魚蝦地入湖。霸主寢邱空踞虎。美人舞榭自啼烏。

多情惟有寒山月。相伴騷人問酒壚。

儀真天池謁文丞相祠

浮海孤臣此地經。真州遺事忍重聽。丹心有恨分南北。

正氣無慚炳日星。一代文章埋血碧。六陵風雨哭冬青。

至今衢路還私祭。嗚咽寒潮沒舊汀。

激壯之中
自饒悽惋

自真州之維揚

籃輿緩度得風輕。放眼江村不辨名。茅屋東西無面勢。

草亭長短有詩情。雲歸遠樹橫山色。水落平田帶雨聲。

欲訪瓊花消息斷。空餘楊柳一堤明。水落平田句讀之一洗煩襟宜淵明倚杖久聽嘆為過吾師丈人也

登燕子磯

燕子磯前暮雨收。遠山平楚入江流。雲烟過眼匆匆甚。腸斷春風十四樓。洪武初建十四樓于都下以處官伎

上京喜晴枕上作

風雨兼旬蝶夢閒。覺來明月滿花間。呼童漫計晨炊事。且看江南萬疊山。

葛慶曾

字芝庭山陰人官雲州牧嘗有浣花集萬里游草

探馬窰

乍經荒草地。按劍發悲歌。白骨無人拾。黃沙有客過。風高飛鳥墮。地潤午星多。隱隱笳聲起。魂銷曳落河。

如經古戰場

野馬川

不知山峻極。翻覺白雲低。樹密天難曉。人稀路易迷。谷風含虎嘯。林雨濕猿啼。咫尺青霄近。從誰借一梯。

通體沉摯一起尤陡

威寧旅夜

南游半載駐遐荒。烏撒威寧州治即古烏撒國從來隸異方。土瘠

官倉輸稗麥。民窮恆產食牛羊。遠商負貨期街日。是州一月

六日。爨商交易。小婢歸樵約夕陽。土庶家皆令婢女樵山傍晚歸來笑語溢

巷。回首故園嗟萬里。不堪今夜迷行藏。

遺荒在目如柳州之紀蠻風

過赤水城

蜀黔一澗界東西。百尺危橋渡馱騏。雲散亂峯羅劔戟。

冰消半嶺蹴玻瓈。吹笙爨女絲鬟重。彝風男女載竹荷為笙相吹求配

黃蠻兒錦佩。齊遙見夕陽山下落。荒城滿樹晚鴉啼。

不行萬里路安得有此異觀

吳振衛字幼康山陰人著有轍餘詩草

登荊州城

孤城如虎踞平沙。千古風飄上將牙。地勢建瓴吞七澤。

江流砥柱控三巴。樓歆烟雨悲王粲。臺滿榛蕪憶孟嘉。

今日不須分借得。好尋籬畔醉黃花。

地形在掌指使如意

劉文煊字紫仙號雪柯山陰人諸生著有雪柯詩鈔

黃之勝年登大耋神明不衰昔人謂畫家得山水烟雲供養如沈石田文衡山輩多享遐齡晚歲僑

居津門與查澹宜萬栢坡汪師
李為文酒之交有題襟集行世

遊香林苑憇抱甕園

香林既寂靜。道人亦無心。應門逢老鶴。施食來山禽。循
廊一徑轉。紛敷花木深。古壁剝粉堊。方池同陸沉。去來
有。何。意。偶。然。遂。幽。尋。松。風。遠。相。贈。為。我。清。塵。襟。
去來無意即東坡所謂閒人
上界清虛之福亦不過此

夏晚行村落間

密雲雨未成。夕陰涼尚淺。荷蓀人獨歸。綠花路幾轉。鳴
雞上樹宿。耕牛就松飯。客子趣驅車。斜陽望中遠。

送張少儀歸吳中

沽西送故人。岸柳垂烟霧。孤棹引迴潮。輕帆沒江樹。琴
弦遂罷彈。尊酒望重遇。離思渺無窮。東流幾時住。

齋夜接汪西灝札。知以五月當抵津門。喜而有作
鳴鳥各就栖。乃知羣動歇。徑竹隱疎星。林花上新月。素
書千里來。西冷夢中越。命駕云不遙。披衣待明發。

五言短古俱
入左司門庭

題陳方來倣雲林山水卷

雲林山水天下奇。後無繼者前無師。一峯老人梅花衲。

當年臭味無差池。君今寓意寫尺幅。山不數峯溪一曲。
此中邱壑亦已多。不見其人見林木。清閼閣中客罕到。
獨抱閒情寄孤傲。迂僻能教濁世容。佯狂肯負高人號。
長洲後有文衡山。烟驅霧使遙躋攀。幾度披圖得形似。
神明祇隔毫釐間。乃知逸品在神遇。工巧何須藉毫素。
已無小艇試沉香。誰向空齋洗桐樹。近來畫史孰擅場。
含毫吮墨如堵墻。經營愈深情愈拙。舉示此世誠茫茫。
多君遠處亦得將。臥遊可爲行樂方。安得解衣磅礴裸。
與君共入玉山之草堂。

逸品神遇一語得畫
印三昧於詩亦然

春江曲

一夜瀟瀟雨。能添兩岸春。春江如竹葉。不肯醉愁人。

唐調其清遠
在意言之餘

吳振

字居寧號八師會稽人官
安肅令著有半莖塘詩鈔

山行

未到吾廬已見山。如逢故友喜開顏。虎牙對立橫秋障。
螺黛初勻出曉鬟。興懶自知閒處樂。情濃始待倦時還。
乞身未老嗟何及。荒廢樵蹊與釣灣。

走風
歌人
卷十一
二十

鳳尾檀槽水調新。銀缸銜壁影橫陳。珠簾十里揚州夢。不憶燈前擁髻人。

章全人 字勉成。會稽人。諸生。官建寧令。勉成年十

三補博士。弟子員有神童之目。詩兼玉。溪昌

谷書法。追慕二王。潦倒名場。中年入仕。旋卽罷官。

晚作諸侯客。王粲之依。劉表。杜甫之投巖。武才人

淪落能。不慨然。 江南曲

柳堤綠重沙光暝。霏烟淡月籠江影。美人夜半起南樓。羅衣斜拂春雲冷。白紵一聲歌不成。龍頭船子蘭槳輕。

楚雲一疊吳山遠。江南江北離愁生。

傲西崑而得其韻

陽春曲

痴龍不死海不枯。東風吹地成綠蕪。天使春光媚南國。吳王宮殿臨江湖。蘭橈拂水蒲香碎。花啼夕露烟籠醉。紅綃燭影雜華筵。簾內不知山月墜。吳娃舞越女歌。壽王萬歲金叵羅。我王之樂當如何。願促百年爲一日。六宮歡樂猶無極。

驚娥駭睩於昌谷玉溪之間。合成一種色艷。

少年行

涼州一曲醉蒲萄。談笑因君贈寶刀。今夜報恩何處所。馬蹄霜月雁門高。

葛其英

字檜庭山陰人官邑丞

甘露寺

幾逢塵劫幾經營。猶是三吳古寺名。烟井見前開化域。江流截後作長城。月來淨界諸天近。身到香林萬慮清。此是藤蘿最高處。山風時瀉海濤聲。

以不詠孫劉往事為高

招隱寺

禪關深鎖翠千重。今古誰來叩梵宗。清麗月照夜泉珠有淚。風摧春葢玉無容。亭中白石傳蕭統。樹底黃鸝引戴顓。寂寞當年招隱地。殘僧空打飯前鐘。

鶴林寺

鶴去空山竟不歸。蕭蕭梵宇占清暉。寄奴霸蹟空餘井。米老荒祠靜掩扉。殿角松殘銷翠鬣。樓前花老泣紅衣。唐風宋雨飄搖久。只養碑陰古蘇肥。

極言景地凋零一結低徊欲絕

陶然亭讌集

鳳城佳樹鬱葱龍。選勝林亭纈翠濃。宿雨曉添雲外碧。女牆遙見薊門峯。

蒹葭新碧漲春痕。簾捲東風酒一尊。此際不堪蘭渚夢。青山魚鳥正銷魂。

成達可

字而可。會稽人。諸生。著有彭麓詩鈔。

嚴子陵釣臺

幸際中興日。安居七里灘。○氣○度○安○閒○帝容高士臥。天作客星看。縱拜三公爵。何如一釣竿。富春江上水。長映少微寒。

涿州

涿鹿秋風動。驅車感慨多。陂○猶○傳○督○亢○士○已○沒○荆○軻○沙○暗○樓○桑○樹○雲○興○范○水○波○疎○林○蕭○瑟○處○疑○有○客○悲○歌○

過田家即事

雨足芳畦間綠蓑。野花香繞菜花多。兒童未解田間事。傍晚溪邊看浴鵝。

周

琰 字青瑤。蕭山人。著有可耕堂集。

遣女

生男苦不長。生女總盈前。看汝宜家日。悲予授杖年。隨

行惟竹筥。耀首乏金鈿。龜勉能操作。何須愧鮑宣。

苦情真境
抒寫無餘

岱廟

丹崖萬仞削青天。玉檢金泥護紫烟。壯采婆娑帝座仰窺纔尺五。
河流下視直三千。東方玉帛壇前聚。北極星辰掌上懸。
野老年來望巡幸。海波無恙悉成田。

咏柏

鐵戟當門老幹森。蒼虬風入夜能吟。孤撐歲月還真性。
力戰冰霜結半陰。艷李穠桃凡幾輩。寒松翠竹是知音。

杜陵野老閒無事。長抱君臣際會心。

自抒性情有凌寒後彫之意
結語正大妙在切題

題畫松

健筆嶙峋一掃成。凌雲老幹勢縱橫。虛牕夜靜無人到。
臥聽壁間風雨聲。

送蔡孝廉之官七閩

仙霞嶺上路千盤。一葉隨流出迅湍。計到建溪新茗熟。
碧香初試小龍團。

丹山碧水畫屏間。廳事無人盡日間。寂寂鳥聲春晚晚。

隔花小吏語綿蠻。

吏音禽音畢
竟還他分曉

送友人渡江北遊

江頭波浪勢兼天。獨立蒼茫喚渡船。萬里此行誰結伴。照人肝膽有龍泉。

張統梁

字奕山蕭山人
著有碧漪齋集

夫人廟

古廟空山裏。千秋大義存。珮環朝絕響。風露夜歸魂。樹老晴巖瘦。泉流衆壑吞。春芳銷歲晚。應自怨王孫。

有玉溪夢雨靈風遺韻。原
本第四句風雨易露字為佳

登岱

輦道天開十八盤。千秋紆鬱拱長安。雲飛吳觀輕陰散。風遶秦松積翠寒。自昔明堂誰建禮。於今封禪罷登壇。我今策蹇重懷古。空壑泉噴洒客冠。巖巖青帝鎮東方。閶闔端開玉殿旁。佳氣常蒸秦簡碧。瑞霞猶映漢封黃。遙看日月懸滄海。自有星辰壓汝陽。誰道神仙可相識。振衣空誦茂陵章。

二詩詞藻稱題便屬
佳構何必搜奇索隱

胡偉然 字益新 蕭山人 著有永思集

湘湖楊梅

密葉攢青翠。枝枝偃蓋同。熟占年大小。種別樹雌雄。背日糖香細。先時糙子紅。糙子糖香皆土名由來稱美果。珍重大

江東。

霜天勞灌溉。春月競分栽。種自清明接。山從夏至開。貨

梅時謂樹能長。繫姓名可並。稱梅聞道西。天使浮槎得

此回。

頸聯不徵典故而自切題

美種誇羅鄭。二塢名文峯產更嘉。等差欺馬乳。伯仲在龍

牙色以堆花駐。堆花酒浸楊梅色可耐久香因焙火加。不隨鮮荔子。

飛騎進官家。

張乖厓宰崇陽不植佳茗免克方物之貢楊梅倘如荔子則蕭邑何堪

度嶺

鳥道環青嶂。征途出白雲。寒暄重嶺隔。閩越一關分。雪色遙山積。猿聲薄暮聞。棄繻會有志。能不愧終軍。

題白華菴山海大觀軒

羣峯縹緲蕩波心。百谷咸輸坎德深。終古烟雲長吐納。

周天日月自升沉。香臺獅吼諸魔斂。石洞龍歸萬壑陰。分得宗門饒氣象。窓前宏覽冠珠林。

通首雄麗
聲出金石

釣臺

在昔披裘客。浮名著意逃。江流趨日下。益見釣臺高。

未經人道過。昔有人咏是題云。一著羊裘便有心。虛名浪說到如今。當時若掛蓑衣去。烟水茫茫何處尋。却教子陵無處置喙。

文人筆鋒可畏乃爾

王霖 字清暉山陰人諸生著有芝亭詩鈔

贈別徐二笠山之清江次余元平韻

肩攜襆被渡黃河。此地曾經一再過。曉市魚鰕如土賤。官堤楊柳受風多。小山到日花應發。淮海無人水自波。若問王孫垂釣處。斷碑蟲鳥更摩挲。

潁水懷古

獨上高城望落霞。竹間亭飛蓋。橋名俱在西湖。夕陽斜。女郎死

後隣雙冢。西湖有女郎。墓又有雙冢。碧玉生來是小家。陌上花開菴

似雪。河邊日莫柳棲鴉。雲間彷彿聞長嘯。翹首蘇門路

不遇。潁與河南接壤

登臺晚眺

閒中逐日旅懷增。臺敞高秋一再登。出水劍光明煜煜。
 映天鰲背黑騰騰。海風瀕洞搏空鷓。山寺微茫見遠燈。
 擁髻峯頭雲斂盡。半灣新月上眉稜。

三四具見海上超放之槩

晚登九仙山踏月歸寓

半空鸞鳳杳難攀。獨立危峯夕照間。風撼樹聲疑拔屋。
 天連海氣欲沉山。茫茫歸路難分辨。落落孤踪自往還。
 今夜淒涼何處宿。月明依舊鎖禪關。

第四語從坡公江遠欲浮天化出

秋夜感懷

莊周化蝶夢。遶遶且復挑燈讀。子虛無可奈何天下事。
 不求甚解案頭書。兩年作客惟長鋏。萬里歸家有敝廬。
 莫怪庭中多積潦。東阡西陌盡成渠。

六陵

一片荆榛入大荒。可憐殷鑒在南唐。盛時河北先歸虜。
 亂後江東未足王。兩晉古邱同索寞。五陵佳氣獨微茫。
 年來野老無聲息。花鳥何知恨夕陽。

沈 栻

字溯章號赤溟會稽人諸生著有粵遊詩草

鷄籠關遠眺

翠微上接碧天橫。一徑捫蘿眺遠晴。衡岳烟霞通曉氣。蒼梧雲樹近秋聲。亂峯深處徭人窟。苦竹叢邊古寨城。關路誰開鴻雁集。流風猶說孔鏞名。

高調。直接。陳出真門。

高良墟

民徭互市處

茅店平沙溪水東。斑衣椎髻趁墟同。巖間草木緣流下。海上魚鹽夾岸通。未解嘲嗎人指掌。相將負戴媪隨翁。蠻歌一曲歸途早。花在徭姑兩鬢紅。

吳

江字洸中餘姚人諸生

寒夜家笠江莘野招飲非水舟別業論李于鱗王

元美諸前輩近體詩次日賦贈

畫檻文欄泛翠觴。却驚燈影在滄浪。三吳風景紅梨瘦。七子才華白雪香。雲氣已明離海月。鴻聲還報隔簾霜。共論穿袖拈鬚事。多少輸人醉夢長。

葉

驥字東御號俳子山陰人

畱別曹天木和韻

纔罷巾車又拂旌。道途盤錯困書生。筆耕不解營三窟。舌戰何嘗下百城。友誼冷隨霜葉散。離愁濃似嶺雲橫。

知君羣從多才雋。遙聽歌傳歷下名。

德化道上

江上匡廬馬上逢。畫圖不似舊時工。路經對峙雙峯下。身入空濛一翠中。青眼每從花索笑。白雲還與石爭雄。只今西嶺霞飛處。照入澄潭徹底紅。

越風卷十二

會稽商 盤寶意評選

山陰劉文蔚豹君

叅訂

會稽宗聖垣芥颿

山陰王大治又新編輯

工汝為

字志宣。會稽人。諸生著。有籠鵝館詩稿。王君為越中勝士。與徐笠山魯秋。陸諸老。齊名。

其曾祖巡。鹽兩淮家道中。落圖史之外。毫無長物。

處之晏如。所存詩寥寥。數首。森嚴有法。散朗多姿。

嘗記其偶句云。漢記畱壇。皆白壁。周官職貢。是丹。

砂史官。屢載黃龍。見書篋。猶存白虎。通雷電。欲收。

金薤葉。琵琶未奏。鬱輪袍。鄉月迴。懸南斗。柄客星。

涼繫楚江濱。旅客夜眠金鴈驛。蠻方春獻玉龍膏。

摘詞典贍可以
規其所蘊矣

玉壺吟

朝作玉壺吟。暮投玉壺宿。別有天地藏其中。清景冷然
媚幽獨。神宮咫尺縹緲開。千巖萬壑交滌洄。晴霞卷空
月引素碧色。照耀金銀臺。明河倒垂百餘尺。靜夜流輝
映瑤壁。芳草歲。蕤白露濃。却下珠簾。總不隔湘靈鼓瑟。
羸姬吹嬋娟。盈座蘭麝微。洞庭鈞天張樂希。聽者偃蹇
憺忘歸。天雞未鳴。啟金鑰。北斗參差向西落。丹山赤水
望不窮。去岸扁舟任漂泊。茲遊記取為樂方。瓊枝作羞

桂作漿。霓旌象車導行路。漸看暎日生扶桑。熹微猶見
數峯綠。清溪杳靄自流玉。入山鶴髮披紫芝。渡海蛾眉
牽白鹿。靈境還希一再逢。悵悵佳期別何速。不用移家
遠避秦。此間從古絕風塵。桃花纔出仙源洞。早有漁人
來問津。

此亦宗法青蓮。恂恂迷離
彈指間。能現華嚴樓閣

雙溪畫障歌 有序

畫有山江橋舍舟帆釣縉枯柳蒼松而紅樹居
半無題署姓名有句曰一腔熱血無些用洒向

千山處處紅。下紀庚寅夷。則月畫於杜鵑樓。雙
谿必勝國。遺老之別字也。

雙溪遺老塵寰中。潛名乃作亡是公。欲將妙筆寫箕頰。
只愁此世非黃農。洗眼惟看故山月。舉頭忽見南天鴻。
不知日月幾昏旦。俄驚節序成秋風。崢泓邱壑總如舊。
紆迴橋舍仍相通。逸興聊憑水村釣。歸心或寄江烟蓬。
所嗟灌木變顏色。不餘佳氣含菁葱。青楓烏柏爛朱紫。
火雲出地還燒空。烈士暮年壯心在。眼枯見骨飛殘紅。
浣花溪頭一老翁。當年奔走川西東。相聞蜀魄輒下淚。

萬事反覆何終窮。羽毛憔悴口流血。暗隨風雨沾深叢。
此事流傳吁可怪。觸目煩冤幾行輩。烽火縱橫白帝城。
衣冠汨沒金牛界。竄身荆棘髮欲髡。脫迹泥塗年益邁。
亦有同時草莽臣。每聽杜鵑常再拜。好從何處築樓臺。
那許當前論成敗。數行詩句寄牢愁。一幅丹青施狡獪。
鳥道蠶叢歛已開。殘山剩水應猶在。縱有羈魂不可招。
圖成夢遶三巴外。

濡染淋漓能使題無剩
義當作羽聲慷慨歌之

余懋檣
暨人布衣

舟過淀河

柳岸蘆洲帶綠莎。舟師盪槳忽聞歌。三秋霽色搖孤艇。萬頃波光過淀河。往事盡消成蝶夢。何年歸去老漁蓑。水圍寂寞龍舟散。行殿參差夕照多。

五六流動
結語蒼涼

弔白鸚鵡

那能再問上皇安。一夕形銷玉鏡寒。魂向隴山空色相。對。句。變。客從易水借衣冠。靈心已化隨黃鶴。素性何曾逐彩鸞。腸斷雪孃無覓處。空餘香稻倚闌干。

渡白溝河

消盡春冰漾釣舟。白溝河上俯東流。宋人畫與遼人界。誰棄燕雲十六州。

當開創時已然於
南渡後奚責耶

宿容城縣

驅車歲晚宿容城。員外祠前日欲平。從此併傳嚴宰相。也勝伴食久無名。

卽從王處
仲語化出

王本字慕陟號古草山陰人國學生著有在茲堂詩集。古草先生克繩祖武詩有淵源居遠

青樓著述最富晚歲自營生壙廣植梅花名梅花
塚有司空王官谷之風子安民號念亭游歷四方
頗擅風雅孫逵字道九弱歲就予學詩嶄
然頭角接萼傳葩於今五葉士林艷稱之

晚過鏡園至沈南塘龍澗山房夜話

酒闌躡屐過南塘前輩風流未渺茫老去三山稱侍制

賜來一曲有知章落霞細綴壺天色新月斜連鑑水光

還與閒人共懷古却疑身在黛雲莊陸放翁有黛雲莊

南海

乘興先看碧浪堆大觀彷彿禹門開風高鴻鵠排空去
夜靜蛟龍出穴來域外有山常見雪舟中無地忽聞雷

木華已逐滄溟逝何處重尋作賦才

連下四章筆端俱有霞光雲氣

蓮池生蓮青節白花蓮實歲貢京師

一鏡方塘漾水華靈臺無處不開花
琉璃影倒三天界舍利光分萬里沙
環珮夜歸神女鉢波瀾時濯火龍車
蓮房歲入長安去十斛明珠照海霞

環靈誦變海外奇觀

丹井梅子真曾游息於此

佛頭濃共曉山青讀盡黃庭一卷經
洗藥水常含蜃氣

烹茶烟亦帶龍腥。時聞地籟潮生浦。日睹天花雨散汀。不識先生何處去。他年相遇話浮萍。

藥水茶烟中有龍蜃便成異彩

梵音洞

會留一偈在傳燈。見性明心悟上乘。說法曉風翻貝葉。安禪夜月掛烏藤。山因缺處疑藏佛。路欲窮時喜見僧。東海岸邊迢遞甚。慈航度得幾人登。

吳江

此去吳江近。長林倚棹看。未經楓葉落。詩句已先寒。

自題夢賓圖

花殘月落怨秋風。寂寂平泉一逕通。忽地雲深歸路杳。枯桐冷掛月明中。

朱

琬字琢玉會稽人雍正壬子舉人官縣令

與友話舊

相對重聯未了因。依然豪氣薄青旻。書生憂樂關天下。盛世菰蘆出異人。老去光陰堪愛惜。悟來文字倍清真。五陵走馬成前度。何處東風颺麴塵。落落大方其友必。管幼安陳元龍一流始足當之。

宗逢時

字與借會稽人太學生著有鷲鷲集。翁性敏悟喜博覽擅經濟才不肩肩舉子業平生

游跡半天下高東軒史鐵崖兩尚書交相推重韻

語特其餘事令子聖垣聖堂俱以詩文負時譽編

轍未可量也

卜居九曲誌喜

。妙論得未曾有。

尋山如論文曲乃得其奧人情亦復然曲盡方云到余

以拙自修幽邃性所好湫隘非吾居因思擇地蹈聊同

遷谷鶯敢謂隱霧豹臥龍負城來瘦脊鬱凌隋雲氣從

之而隄焉大尾掉蜿蜒盤作曲一曲臻一妙其數適符

九乾陽合煦照可念命名初靜者許深造如探星河源

如第武夷隩茆房於茲卜爽塏收廣效三徑雜松篁半

壁安床竈飛翠檐際投歸霞杖前導豈無空谷音不比

雅雀噪有時還讀書免貽猿鶴笑近砌疏墨池溜漉出

泉竅一洗面目塵冀與山靈肖

磊磊明明無一語纖弱比諸制脩伸鈞力在羣雄之上。九曲居然名勝可補入山陰地里志

八月十五夜泛舟洞庭和周蓮峯觀察

長沙日落湘水流素雲鱗起東海頭客來秉燭動遊興

載酒一上沙棠舟舟人解意任迴盪打槳拍拍隨輕鷗

鴈羣高下漢陽渚漁燈三五蘆荻洲須臾微颺洗昏翳

天爲此夜開中秋。湖平似掌清。見底飛鏡忽向空中投。
 細紋破碎旋迴合。爛銀湧出光如油。外盈中滿表完足。
 凍花簇簇搖雙眸。俄焉錯彩織冰縷。珊瑚百道網四周。
 大珠小珠萬萬顆。玉盤零落誰能收。有此。亦小。筆。得。法。得。勢。是時酒闌月正午。
 狼籍肴核傾觥籌。座中亦有洞簫客。水龍一曲風颼颼。
 橘社蒼黃牧羊散。湘靈裏窈騎鯨遊。晚蘭沅芷出水獻。
 襄雲巫雨牽裙。爾楚些楚舞配瑤瑟。翠旗動影金支浮。
 此身已入水晶窟。浩然撒却離鄉愁。回看斗柄欲西墮。
 蟾蜍吐氣嬾不休。寒光轉灑客思睡。蓼蓼戍鼓鳴譙樓。

高歌未已忽禁止。猶恐跋浪驚潛虬。

前寫湖次寫月入後則搖雲蕩練煽霍不定極雄驚詭放之奇

申江懷古

大江水濁蛟所居。歎涎噓氣驅羣魚。浪高於山拔地起。
 洶洶勢欲搖三吳。帆檣咫尺不相顧。黑雨漫江截江路。
 長淞圓渚共滔天。挾颶掀濤助餘怒。當時楚相稱巨雄。
 開鑿思媿元圭功。遷封請主逞得計。不喜淮北喜江東。
 經營輕用畚鍬力。貪狼忍使生靈竭。百里狂波初姓黃。
 流出吳墟萬民血。江成築土揚大風。內城外城環別宮。

眼中自有龍虎氣。嘈嘈食客如蟻。蟲花門曉開。傳羽箭。橫江鼉沸聞。鏖戰鉦鳴齊上敵。樓船出海旌幟。三百萬。疆秦讐服束幣迎。龍旂雉扇通神京。侯王事相古未有。三君驕貴非其朋。無妄之禍一朝起。羞却後官初進季。髑髏如毬拋棘門。不見朱英著珠履。黃家之水忽騰紫。霹靂震空老蛟死。

鬱然怒起陡然中落。旬霆溯澗幾莫測其行止。昔人論少陵如大海之水。長風鼓浪揚泥沙而舞怪物。詩境彷彿似之。

曉發清遠峽

急。纜。盤。空。引。曙。烟。石。光。青。破。甕。中。天。峽。流。倒。擁。千。花。駁。
新穎。谷。鳥。虛。鳴。一。磬。圓。蓑。笠。閒。收。圖。畫。裏。蛟。鼉。晴。戲。枕。函。邊。
逆。風。逆。水。年。來。慣。自。抱。殘。書。整。日。眠。

第六語波濤壯濶抱書整日險怪不驚平日所養可知矣
陶愈隆 字夢黎會稽人雍正癸丑進士官臨海令著有曙林詩意

次昌黎調張籍韻寄姪宗翰

文章各生面。作者擅專長。師古惟其是。日月懸何傷。才大萬斛論。心精累黍量。在昔曰先民。千載磊落望。派別導衆川。一一接混茫。直窺窳奧主。如以一葦杭。負聲視

走。風骨秀發交飛揚。鐵馬踏層冰。黃河鼓磅礴。幽燕老氣
韻沉雄。轉蒼涼。惶惑怪奇恣汗籍。持正僵齋澄約六經。
虎鳳蛟龍翔。肅穆蔚簡古。禮樂器琅琅。正士君謨書。侃
侃高自將。得失徑寸際。錙銖與毫芒。嗟余有志焉。風流
惜蠻荒。平生苦辛餘。雞肋九羊腸。南箕張其口。北斗不
挹漿。楚纍困謠詠。靈修嫉頃襄。老矣跌宕悲蕭然。謝奔
忙。丹樓峻明霞。夢汝飛頡頏。

詩亦極
做昌黎

丁卯上元

魚龍百變海山鰲。照徹天文北極高。小隱菰蒲聽夜雨。
老驅烟墨入春濤。詩成丁卯難呼集。命後庚寅許讀騷。
京國香車勞想像。蘭釭飄泪首重搔。

三四寂處無聊豪情
激發文士多有此况

重寄李睦州

經年入夢舊花汀。嵇呂相逢眼更青。縞帶風流在東里。
湖山清絕話南屏。峭寒春柳王孫草。霧天低處士星。
不有當時能置驛。吾徒容易慰飄零。

黃輅字乘殷會稽人雍正間武進士著有錦水詩集
此亦武人中之工詩者與余同官姑孰

公解有嘉樹。清泉建草草。草亭吟咏其。下湘筒往
 來倡酬無虛日。偶記其五言。如山深藏碧。獸樹盡
 見丹樓龍象。諸天外山河。一氣中。蠶雨隨歸。夢樹
 風領暮潮。地形連塞迥。山勢抱城雄。望沈虛。晚照
 坐久密秋。星七言。如嶺外梅花。長入夢。春來江水
 暗添愁。店火微明。連楚燒屋。茅層出。捲漁蓑。一門
 將種誇。獨臂萬里侯。封屬虎頭。東野宜。稱前進。上
 北平未起。故將軍。桑海慣。看銅狄。老蓬壺。會遣鯉
 魚還。謝莊賦。後畱微月。庾信悲。來見落花。等句。清
 華蘊藉。無摩盾。橫樂之風。古詩尤多。態度登諸卷
 中見。本朝典學。右文儒。將風流。亦超前軼後也。

太平鼓歌

太平鼓小不成鼓。徑不容方尺。能劇以紙蒙之手。可捫。
 大兒擊喧小兒舞。此響不能高入雲。又非聲緩能遠聞。

但取春容太平事。一往和聲動天地。近者西陲不用兵。
 公家又無版築聲。鼗鼓馨鼓俱不鳴。太平無事安春耕。
 季冬八蜡大勞息。兒輩無能食康食。不可遠忘帝王力。
 擊鼓高歌亦其職。太平無象無名言。后夔典樂宣其原。
 雅音自有黃鐘與大呂。此鼓冬冬散如雨。

穩順如題
大方手筆

戈郎佩刀歌

戈郎佩刀如白雪。剗割多年無缺折。佩之綉帶雙紅縉。
 小尾春鵬光皎潔。今朝忽下清冷水。錦石秋沙平若砥。

起風 卷十二 十一
霍霍微聞咽水聲。蒼雲已向波間起。風胡不可逢。薛燭
多矇矇。金塘浮動紅芙蓉。誰知爲劍爲蛟龍。斷髮吹毛
千古枝。殷血牛蹄何足計。腕下應無細碎仇。眼中只識
春坊字。天風忽閉耶溪銅。鼓鞞躍冶非神工。鬼母夜泣
孤生蓬。豐城之氣如長虹。刀兮。刀兮。乘姿雖小龍。性在
終恐高飛倚天外。

跌宕淋漓務使
躊躇滿志而止

秋馬

廐與居隣近。秋風動馬嘶。五更關塞月。千里雪霜蹄。壯

士新華髮。將軍舊鼓鼙。平生慷慨志。因爾一含悽。

咏雪羅漢

滕六堆來幾尺深。璩成迦諾在檀林。要知伏虎降龍手。
原抱冰清玉潔心。初日映時身不壞。定香聞處夜何沈。
跏趺漫說空王法。博得詩翁冷澹吟。

頷聯所見甚大武侯三分事
業皆從淡泊明志中得來

畱別蕪湖舊友

于湖久住忽思家。勝侶分飛鴈影斜。惜別一尊將進酒。
含情兩朶未開。花殘年南陌無芳跡。舊錄東京有夢華。

不待登程始惆悵。錦屏風外卽天涯。離筵有二小伶度曲

黯然欲別方寸星河

周應宿字容縣著有葆山詩鈔。葆山先生爲石帆

學士經師余之父執讀書安貧夫人賢淑有德耀

上庶有輕干里而來弔者可方朱邑桐鄉之祀云

五泄歌送客遊五泄山

海上凌三山。微茫弱水長迴環。越中遊五泄。金碧諸峯

互明滅。五泄嵯峨跨浙東。青蓮窈窕摩蒼穹。天台雁宕

屹相向。勢如鼎足來爭雄。初泛扁舟越溪曲。面面芙蓉

鏡中綠。長風縹緲吹石帆。疎雨霏微洗天目。石帆吹不

動。天目洗更開。宛委明霞會稽雪。片片飛入靈泉臺。忽

然湧出雲錦堆。崩崖殷谷怒轉雷。鬼斧玲瓏削寒玉。層

陰驅盡前山來。仙掌驚濤轉危石。倒掛銀河五千尺。四

時不絕流。電光影動斜陽亂。相射連蹠走雌霓。奮迅翔

雄虹。星芒日角直上排。空白練經天。瀉萬壑散爲石氣。

青濛濛。莓苔繡紋碧如磊。百折盤渦見光彩。攀援絕頂

尋靈源。直下雲峯噴珠海。問君往遊誰相親。御風高岸

華陽巾。空山廓處尠聞見。惟餘瀑布萬丈垂天紳。此水

從何來。恐由雲漢津。我有扶桑倚天劍。一言相贈隨君身。

妙筆能狀山中異景。面面芙蓉句與供。奉荷花鏡裡紅同意而易。一綠字更勝。

田居詩

五種區先後。三時重至分。庚壬占雨候。水火定山雲。西
吼縫蓑急。南風護稻勤。鵲巢當太歲。亦似識星文。
舍後稀栽柘。墻陰盡種桑。條條鴉口葉。肅肅馬頭娘。入
市新絲貴。當機老婦忙。紅鸞今歲吉。辦得小姑裳。
北陸鴻歸塞。東風魚負冰。紫姑羣問歲。白擲又分朋。戲

水兒童慣。簪花婦女能。老翁城市返。誇說上元燈。
寒增催蟋蟀。春煖喚倉庚。應月蝦蟆長。先秋馬蜚鳴。田
家無俗耳。天籟有清聲。數盡閒虫豸。年華又幾更。

詩極大方。太平樂事一。拈出幽風七月之遺。一
峯。巘字青巖餘姚人。謫生。青巖為姚江名。上書法似董華亭遺詩。惜止此一首。

游春

數里烟霞地。春風拂面生。天容如薄醉。人意怯新晴。小
放穿花棹。閒聽接葉鶯。九峯歸路晚。吹徹洞簫聲。
淡施春光描寫不盡。此以天容如薄醉五字括之。服其允當。

李茂先 字文驥 崑崙縣人 著有酣古堂集

漁村漫興

天山占得第三爻。翠竹青松訂漆膠。高韻特傳君子節。
 清風還瀉大夫梢。柴門款客驚雞犬。社鼓隨人賽虎貓。
 乘興何妨歌一曲。無心閒步出東郊。
 家山遙望暮雲多。萱草堂邊安樂窩。隴右終須歸太白。
 少陵原不戀岷峩。久疎酬應門羅雀。小試經營帖換鵝。
 從此還添借書債。牙籤堆案慰蹉跎。
 半年踪跡半沉浮。可是娉婷待蹇脩。將種雖甘填馬革。

客星偏悔着羊裘。梅因有核酸仍在。蓮到無心苦始休。
 尖笑塵緣除不盡。草堂昨夜夢封侯。
 剡溪應接近山陰。萬壑千巖愜素心。倘許精靈隨翠管。
 何須鬼物變黃金。烟霞圖畫誰烘染。造化才華自古今。
 冷韻不磨仙翮健。還思跨鶴更攜琴。

四詩時露新意 洵稱剡中之秀
 朱景倩 字曼仙 蕭山人

三歸臺

駢邑分封盡東河。剩有臺雖非王者。佐亦是救時才古。

砌消烟雨。殘碑長蘚苔。遙思盟伐日。登眺亦雄哉。

章兆會

字梅湖。會稽人。官澄海令。著有東岬山樵集。

石頭城

幕府山青憶舊遊。大江東去荻花秋。金陵何處繁華夢。鐵鎖無聲日夜流。玳瑁梁空春易暮。胭脂井冷草含愁。南朝多少傷心事。一片寒潮打石頭。

金陵詩雄渾悲壯者極夥。此作頸聯以細麗勝。殊覺鬱伊易感。

燕臺懷古

燕昭昔日解憐才。一片寒雲鎖舊臺。詎有千金招駿骨。

可知終古老龍媒。淒涼荒草人何在。蕭槭悲風暮自哀。驢背醉吟舒望眼。鴈行聲斷玉關來。

紅鵝庄

草長鶯啼春晝長。平原風送杏花香。青驄嘶過紅鵝店。回首溪橋半夕陽。

青驄紅鵝掩映生姿却又大方

俞忠孫

字祖臣。號節霞。會稽人。布衣。著有節霞詩存。

湖山紀遊

雨後夕色佳。春風鼓遊屐。迤邐來湖山。秀削越常格。石

作虎豹形。字畱蝌蚪跡。下臨化象潭。潭水清以碧。輕儵
 躍細浪。吹亂殘霞色。亦有桃李花。芳菲媚遠客。峰高翠
語。似。宜。城。
 難忍氣與青冥逼。願言陟其巔。路遙日已沒。空抱不淺
 興。回眸頻佇立。

遊鳳凰臺 有引

出潮州南門不一里有洲隱起中流方廣數百
 丈。明太守星吾侯公築臺其上取鳳城鳳山之

義名鳳凰臺

飄然來作瀛洲客。耽奇雅好搜遺蹟。昨日選勝出東門。

過橋去謁昌黎伯。山僧指點庭前樹。云是當年公手植。

旁有南朝丞相祠。陸秀夫經營適在山之隙。登高遙望鳳

凰臺。巍峩直向雲中出。此地幽偏定可親。相約明朝鼓

游屐。女節花開秋正深。炎氣還同三伏日。軟沙新漲步

欹危。登臺聊復開胸臆。東南雲豁竹篙青。西北嵐凝桑

浦碧。龍岡蛇蜒環右臂。雁塔峻嶒插左腋。盤旋更上一

層樓。海外諸山拱几席。濟川湘子橫跨鱷魚潭。遠接滄

溟。通潮汐奔濤駭浪自古今。此洲不動如磐石。我聞鳳

凰產南禺。舉翰來翔亦瞬息。徧攬德輝庶下之。况此舊

是神仙宅。

從出遊直起下乃紆徐說入左眺右瞻紫翠萬狀末以名臺之意作收更見立言有體

朝雲墓 在惠州豐湖

自古美人悉黃土。傾城傾國難指數。幾許荒邱犁作田。零香碎玉誰能傳。朝雲之墓特無恙。碑完誌載畱烟瘴。太守風流千古存。聲華猶得蔭芳魂。獨憐人去亭臺圯。玉虹冷臥寒江水。惠州府浮橋蘇長公為朝雲作回首錢唐路。幾重朝錢唐。青山夜雨泪。應紅我來耐。汝一杯酒舊是君家掃。愁帝。蘇公洞庭春色詩應呼不見芳菲開。徧榛門花明。鈞詩鈞亦號掃愁帝。

朝一半委泥沙。莫逐巫山作雲雨。莫戀繁華學歌舞。雲雨繁華有變遷。不如長向塚中眠。

杼詞屬事俱有根據若空填沉玉埋珠等字便覺滿紙荒蕪也

春江曲 同家鹿柴作

春風三月春江碧。春江女兒弄顏色。笙歌薄暮未曾歸。畫舫侵晨又如織。遙指江南姊妹行。蒼茫一綫紅潮隔。願化芙蓉開並頭。願作鴛鴦戢雙翼。郎情豈比珠江淺。妾似蒲帆隨轉側。殷勤為囑石尤風。莫使扁舟去不息。

得樂府餘響不徒撫拾西崑

袁氏舊藏岳忠武激泥硯銘云石可爲鐘硯亦得
不惟厥聲惟厥式八音之始始以嚙爲取其意
歌之

囊泥激向汾水邊。取以製硯輕且堅。浪擊波淘絕渣滓。
土模竹削歸陶甄。冰霜鍊後氣彌勁。膩理溫肌具真性。
大則發爲史冊光。次亦足紀山川勝。我友生平癖嗜斯。
向予咄咄每稱奇。體裁彷彿華鐘式。書法還饒大令姿。
二十一字銘簡古。署名知是岳忠武。近若韓劉罕比肩。
遠如絳灌羞爲伍。因知就中命意深。土木無聲寄在金。

譬彼蒲牢原善吼。持筵那得宣其音。可惜始終全用嚙。
不寫彈章誅檜賊。十載孤忠一旦隳。幾行熱血千秋碧。
風波詔赴天陰霾。二子從亡雲與雷。死後聲名輝日月。
生前勲業歸蒿萊。阿誰殷勤守此硯。塵埋土蝕猶完善。
睹茲墨瀋積殷紅。疑是淚痕還隱現。吁嗟乎萬物何重。
亦何輕。但看用者能垂名。論壽不緣靜與鈍。計年豈在
均與平提攜。莫上西陵渡。恐有英靈暗奔赴。畱置芸窗。
棊几旁。朗吟潭水松風句。忠武有潭水寒生
月松風夜帶秋句
物玩何知寫得如許。感激忠義千秋能使聲泪俱下。此硯與詩並傳。

借。壁。子。訪。鵝。池。邀。登。龍。山。絕。頂。歸。飲。舊。水。藏。
 一。碑。高。在。望。舊。跡。尚。堪。稽。老。樹。經。春。茂。荒。禽。帶。雨。啼。城。
 圍。烟。火。密。雲。墮。海。天。低。紫。翠。凌。空。起。迢。遙。未。可。躋。

鄴城道

烏。鵲。南。飛。盡。樓。臺。北。望。空。繞。城。寒。水。碧。隨。路。野。花。紅。歌。
 吹。虛。身。後。繁。華。尚。鄴。中。二。喬。何。處。去。不。鎖。舊。春。風。

朱介然

字薪賓山陰人諸生著有松莊歸畊稿

歲暮接兒輩家書有感

雙。鬢。霜。華。滿。勞。勞。日。月。除。倚。門。頻。望。遠。忽。接。問。安。書。自。

反。常。多。媿。何。曾。問。有。餘。介于先君子未奉一日之養今歸里五載日給皆兩兒所寄心
 竊。媿。兩。兒。能。念。老。得。飽。足。居。諸。

暮景

駸。駸。暮。景。失。芳。華。不。獨。髡。霜。鬢。雪。加。作。策。每。輸。營。壘。燕。
 含。愁。偏。見。近。樓。花。空。思。稷。澤。膏。爲。玉。那。得。安。期。棗。似。瓜。
脫胎少陵與合肥同妙
 世。外。神。仙。需。服。食。深。山。聞。道。節。松。霞。
語本武侯

金廷輝

字曙催號杏村山陰人諸生著有問心堂詩稿子士芳能世其學

山居

茅。屋。依。雲。竇。山。窻。傍。夕。陽。樹。高。羣。鵲。噪。夜。靜。一。琴。張。舊。

友經年別新花滿砌香柴門來往少春草共人長

潮後渡錢塘江

浩浩意不盡寒潮逐望廻江連遠山動天到海門開樓閣分吳岫烟嵐隱越臺秋風誰作賦終憶濟川才

咏珍珠蘭

花姿如綴淡如無媚態端應喚綠珠簾押垂宜織月照釵梁顛喜晚風扶芳蘭竟體人疑在金粟飄香品不殊嘆息崔徐名畫少宮黃點點本難圖

起筆描摹工甚三四更能離貌取神

鴈字

疑是瑤池左侍書憑空天矯更紆徐文呈天上無陳迹影落人間總子虛俄見清姿流藻采還將逸響放瓊瑤凌雲多少塗鴉巧極意臨摹恐不如

題極纖巧以渾脫之筆寫之不滯不佻一歸大雅

題畫

雨過空林翠靄飄渚花汀草共蕭蕭仙家應在雲深處只許人踪到石橋

聞人鍵

字大開會稽人明經著有清樾吟○大羽性慷慨喜結納詩文俱有根柢浙東西才士無

不知其名
蝦蟆更有引

從孫天培以前題索和戲為步韻
稿五更絕點鼓遍作謂之蝦蟆更
非真蝦蟆聲也借題寫意或不害風人之旨乎

草長池塘水滿溪。譙樓漏盡月沉西。
為官擬續傳宵鼓。待旦爭先報曉鷄。
風勢遠來聲不斷。星芒淡後歇還齊。
小窻欲白天將曙。又聽時禽竹外啼。

題金閨石燕南趙北圖

盡說儒林異游俠。那知游俠在儒林。
櫻桃血漬芙蓉鏢。何處荆高一片心。

為人題畫即自寫
襟懷語有壯采
馬正任 字季堪 會稽人

翡翠樓感侯朝宗事

似聞吹笛畫樓前。今日凭臨意惘然。
○俯○仰○陳○迹○何○地○
桃花猶弄一溪烟。寶奩壁月空金粉。
冷雨荒塍拾翠鈿。遺恨但看歌舞地。
六朝鴛瓦草芊芊。

劉積慶 字靜菴 會稽人 諸生

花朝

柅舟簫鼓逐香塵。收拾橫塘一路春。落拓騷人差省事。鱖魚薺菜薦花神。

此種風味較鬪雞走馬何如

暮春舟行

桔槔亭子枕平池。紆折江臯客過遲。一路腥風吹未散。打魚船去不多時。

劉德基

字絃仙山陰人明經官澄海令著有半畝草堂詩鈔

暮春卽事

寂寞園西半畝居。一春消息近何如。鶯聲滑自輕寒後。花事殘來積雨餘。碧靄屏山和閣掩。綠沉爐篆過窻虛。多時不踏南郊路。橋畔誰人獨荷鋤。

北行省觀

心不遑安四載餘。循陔猶隔老親居。凌雲獻賦慚司馬。他日趨庭學伯魚。花月芳辰思奉杖。關山遠道憶牽裾。北來嘹唳天邊鴈。吹墜風前一紙書。

王元珏 字宏璧 會稽人

登石屋

野飯梅花村。徐入青松路。鳥道何鬱盤。身與溪雲渡。幽
篁不見天。碧色莽迺互。忽聞山鳥呼。一一穿深樹。逸興
雖飛揚。心神轉恐怖。闖然巖谷間。微茫辨黝聖。豁達跨
平岡。頓愜登臨趣。歷歷羣山羅。馳突如奔赴。城郭俯人
家。模糊不知數。老僧自在閒。愛此長年住。杳杳鶴飛歸。
千村靄然暮。

張國鼎 字南衡 會稽人 著有懶餘偶錄

六盤踏雪

路遠愁凝雪。何堪過六盤。畏寒投草屋。防滑據雕鞍。人

極。寫。雪。中。行。路。之。難。

眼千山暗。臨流百道寒。翻思洛城裏。穩臥有袁安。

劉

清

字祛塵 山陰人 諸生著有墨池詩集 墨池

績學 敦行 有聲 庠序 教授 龍尾山 最久 沒後 家貧 子幼 無以為入 土計 族人 柳村 昆季 為浮屠 于郁 冢嶺 下其從 游中 豈無 好義 如侯 芭起 而成 子雲 之元 塚者 乎

偶書

○妙○起○
愁是秋所成。經春偏愈劇。耿耿有物存。驅之寡奇策。雖
或聽流泉。泉聲更淒激。思欲凌風翔。而不生羽翼。庶幾

學神仙。聊用展胸臆。

兩首如一首

神仙則謂予。君計胡太迂。靈瑣頗偃蹇。玉京亦崎嶇。三

起風
萬六千日疾於箭脫弧鍊汞事丹砂幾人得其珠鳥咄
而熊經徒自瘁厥軀

月夜宿雲門寺

攀蘿陟層巒投宿遠公宅衆鳥不聞聲悠然夜方寂一
規月破雲流輝照虛壁蕭蕭松影寒皎皎山光白蛩號
露草清猿嘯烟林碧我心素愛閑此來愜所適逝將謝
塵煩永伴栖位客

神似
左司

咏懷

無言孤向影影亦不能知世路偏艱我天心欲厚誰甘
年螢笑腐萬卷蠹號饑温飽操何術躬耕已悔遲

金振豫

字飲和山陰人官學
博著有蒿峯詩集

為家媿我大兄題顧環洲墨梅

吾越工寫梅雪湖名最重意到筆已赴奇技疑天縱一
枝水石間錯認孤山種老幹鐵欲折密蘂星無縫嫩寒
破春曉暗香尚浮動迄今百餘載誰與稱伯仲近見顧
虎頭潑墨恣拈弄美人來何遲雪滿鵝溪凍多情得可
人長與軒窗共酒闌月亦落孤眠續殘夢

端溪石硯歌

研有良材逾拱璧。陰山之璞終葵石。在漢鄧支貢馬肝。
 絜之龍尾爭縝密。下逮銅雀與玉蟾。殺墨宜筆多難兼。
 吾人珍為几席玩。此中持擇宜加嚴。端州有山如玉璞。
 葆蘊奇珍山自若。雷霆守護蛟螭蟠。非時採取來風雹。
 蓋世材應與世公。天欲秘之難為功。如花玉膚遭裸剝。
 髣髴蘇賊陷晉宮。我破老慳得其一。命工繩削矜神物。
 孤竹之管寒松煤。相憐不復相傾軋。溫溫如爾真良材。
 應遊秘閣登中臺。圭璋特達不終棄。守此寒士胡為哉。

五人墓

博浪一椎若或使。祖龍魄落身即死。彼為天子尚有然。
 魏璫虐燄何敢爾。羽幢青蓋儼乘輿。百里星馳請票擬。
 劍履蟒玉多乾兒。曳裾翕翕聽頤指。舉朝不復識主臣。
 但與閹人議父子。鉤黨之捕盡名流。緹騎紛出矯詔旨。
 處堂燕雀方怡怡。獄底燈昏嘯冤鬼。宗社駝龜天壤翻。
 誰為生民起瘡痍。爾時遂有義憤夫。眼見不平挺身起。
 匹夫舉動關朝廷。血污頭顱偏自喜。明主當陽正典刑。
 東廠豪華轉西市。元兇寸磔飽烏鳶。中間纔隔期年耳。

○未○有○寫○之○行○虐○談○薰○天○愈○為○五○人○出○色○
○委○鬼○之○禍○千○古○

五人墓卽奄生祠說與僉王應汗泚米氏河山三百年
一朝撲滅端由此五人追痛正難言忍聽啼鵲月明裏

詩格蒼老一
洗蕪靡之習

羅浮蝶

憐香早締此生緣回首韶華又一年帝子長洲春似海
王孫歸路草如烟殘紅退逐千枝雨空色能參一味禪
自古文章無用處甘心終老作頑仙

讀蘇文忠公海外集紀後

六十餘生兩鬢絲海天春夢正醒時雙懸父子愁中命

一念君民謫後詩餽米憑誰憐趙鼎讀騷已極痛湘纍
可憐筆底孤臣淚不爲南來九死辭

蘇公忠愛於危苦時傳
出氣格亦全學玉局

沈士鳳字羽皇號南塘山陰人南塘爲葑野冢孫

垂二十年無信耗南塘獨攜襆被萬里尋親窮山
惡水足跡幾徧閱三載見之涼州驛舍并負其庶
母弟妹以歸先是有善扶鸞者爲占得一詩有云
直須長鬣張郎歲方許尊前樂事多至是年果三
十八矣生平恂恂無忤物色書法得祖風晚年怡
情家術以筆墨自養遠近求書者踵相接茗上孫
端人官允主講叢山與沈懷清觀察潘意田學士
任處泉太守王越雲司曹孫豫聲州刺傲洛社爲
耆英會南塘以布衣大耋蔚爲稱首詩不苟作少
時客岳中丞幕府與任開宗觀察相慕重多唱酬

之什不自收拾存者
寥寥故所收止此

雪中同金守谷鄭雲叟童璞巖訪任處泉太守所
飲快閣分韻

疎林灑銀礫。長天舞輕瓊。感此歲云暮。喜與佳士并杖。
策古城隅。買棹凌波行。危欄壓平水。一白搖空明。歡然
羅鮭菜。排闥觴羣英。主人姑射仙。妙語爭飛雲。寒重客
難醉。破午雞一聲。

訂遊雲門因事不果賦呈諸同好

招尋蘭若興如何。白首偏似噩夢多。煩惱幾回拋。未得。

塵顏枉想入頭陀

余

銓字明臺諸暨人雍正壬子舉人著有石駟詩鈔

暮叩東明北郭

落日催行旅。更。深。到。漆。河。星。繁。臨。水。動。火。細。入。村。多。寒。
角。嚴。城。起。輕。裝。瘦。馬。馱。惠。連。三。載。別。相。見。喜。如。何。

次玉鈺夫子五十咏懷韻

不貪夜氣識金銀。徑寸明珠自照身。白雪調高誰和楚。
黑貂裘敝悔游秦。且從光祿分良醞。未忍長安逐軟塵。
一榻雲烟閒逸處。吟懷何異越江春。

咸陽懷古

天險峭函萬古同。爭驅秦鹿入關中。詩書殘燬銷秋雨。禾黍斜陽弔故宮。六國笙歌全夢幻。二周鼎物亦蒿蓬。不堪西望驪山下。渭水曾流戰血紅。

舉止閒雅

中唐氣味

陳梓字古錦號一齋餘姚人布衣著有刪後詩存

鐵畫歌有序

蕪湖冶工梁某頗解詩畫能於爐鑪間隨意作山水花鳥精巧絕倫古所未有昔中散隱於銀

越風卷十三

會稽商盤寶意評選

山陰劉文蔚豹君

參訂

會稽宗聖垣芥颿

山陰王大治又新編輯

張麟錫字素書號海門山陰人乾隆丙辰進士官翰林院編修擢御史

雜感

東隣有美女。婉變處閨房。脩眉鬪新月。流盼何清揚。自矜好顏色。不肯嫁王昌。青春忽云邁。粧鏡無輝光。裁成

合歡被。經歲疊空箱。落花不上蒂。誰復惜餘芳。當軒理

瑤瑟。雙淚沾衣裳。蜀犬常吠日。夏蟲難語冰。少見則多怪。悠悠安足憑。天

龍下葉邑。誰復識其真。懷中有白璧。往往招蒼蠅。孤撐

廓浮議。大雅當復興。慎勿逐時好。觚哉模其稜。

首章言所如不偶。抱道終身。次章言士以守約為高。不在趨新立異也。理嚴詞婉。得十九首之遺。

秋風

木葉蕭森。斷暮烟涼。颼乍起。次寥天。聽來易水歌。應變吹入長門扇。可捐榆塞孤鴻歸。有信玉關萬馬去無邊。

遙知薄宦思鄉客。蓴菜鱸魚夢正牽。

錢登俊

字舍南。上虞人。官別駕。著有征途壁稿。

黔中攢塚行

黔山路險荒烟空。蕭蕭枳棘生夕風。郵亭驛舍杳無主。道上白頭逢老翁。老翁自言七十五。世居凱里守樂土。生來未識出里門。男婚女嫁且有孫。孫男半已各有子。歲時不乏供雞豚。太平有象豐五穀。千村萬落蓋藏足。操豚盃酒答竹王。不用油花與雞卜。銅苗赤汁次第開。丹砂銀母遍八垓。雕題椎髻既改土。安得復有干戈來。

生苗一夕徧山谷。不聞殺聲只聞哭。官兵束手鬪不得。
 吁嗟羅施還鬼國。清溪既陷屠黃平。丹江台拱無完城。
 老蠻下令誅老弱。拆骨爨作嬰兒羹。我特聞難匿洲渚。
 歸來骨肉不知處。道旁僵臥邠足論。哀哉殺男不殺女。
 女雖不殺生者希。不死且作生苗妻。諸蠻歸路險復遠。
 露刃疾馳隨鼓鞞。鼓聲哭聲相接續。偷生不死身亦辱。
 危崖陡絕力不前。捐軀大半委巨壑。壑中積屍血模糊。
 忍看剝割無完膚。殘骸斷骨不可識。冤魂徧野尋骷顱。
 骷顱纍纍默不語。饑鳥啄腸掛枯樹。陰風慘凜白日暮。

鬼火如星照狐兔。愁雲漠漠天昏昏。巫咸不下閉九閭。
 王師掃穴妥怨魄。燒埋併作萬骨墳。萬骨新墳作高。
 壠。老翁見之心自痛。惟願今冬得不死。明年洒泪澆攢
 塚。

從少陵憶昔詩傷心不忍問耆舊。二語描摹而出慘霧愁雲迷離紙上。

咸陽道中

秋風吹古道。蕭瑟客愁增。野濶山將盡。沙虛岸欲崩。
 虎。○
 狼秦二世狐兔漢諸陵。奉職慚無術。征車敢暫停。

萬柳堂

碧玉拖烟帶夕曛。流鶯啼處絮紛紛。遊人便有趙松雪。
地主已無廉野雲。芳草新愁簾外入。東風舊怨笛中聞。
春光百五行將盡。莫怪離披到十分。

營平

赤嶺平分失舊邊。雲中上谷盡烽烟。燕姬氍帳調蕃語。
胡騎羊酥鬻漢錢。未見橫磨過易水。徒增獻納出南天。
只今尚念楊無敵。悵望潘曹不敢前。
文皇百戰萬方清。九鼎重遷入北平。盡道居庸當絕險。
可能土木不興兵。離宮尚有前朝跡。湯殿曾無舊賜名。

更向十三陵上望。斷碑荒草自縱橫。

邊塞風光
宛然在目

秦中

百二河山不戰休。祖龍眠處有荒丘。千尋碧嶽連雲棧。
一線黃河隔華州。燕蹴飛花秦苑夕。蟬鳴衰柳漆城秋。
渭陽泯滅阿房火。悵望東陵是故侯。
荆棘銅駝奈若何。咸陽王氣盡干戈。春殘凝碧歌聲咽。
秋入甘泉涕泪多。繡嶺一坏秦世界。長陵三尺漢山河。
今來灞水橋邊望。只有豐碑字不磨。

二詩托意蕭涼發言清
挺三秦高險俯視無遺

酬左懷陶見寄原韻

買山吾願尚難酬。浪迹休誇徧五侯。出塞久拚騎馬險。
捉刀還覺對人羞。賈生半世空流涕。顏駟三朝欲白頭。

慚愧平安杜書記。十年花夢醉揚州。

李崇賢

字同人號于林會稽人官姚安守著有種山亭集

劉雪柯月夜攜所寫雪景過示

溪曲沉沉暮短籬。門尚開我將詩獨坐。君與月同來粉

本寒山雪香叢古屋梅。袁安堪共臥身世一蒼苔。

美人

孰是前身孰後身。不施脂粉本來真。有時自惜燈前影。

無事頻窺鏡裡人。秋水一灣門曲折。梅花幾樹月橫陳。

可知不入高唐夢。雲雨休教賦楚臣。

寶劍

鐵英三尺勝魚腸。匣是琉璃五色裝。入夜天光深在斗。

侵晨秋氣迴凝霜。周防有用休輕試。脫贈無人且秘藏。

時作龍吟吟不止。一尊寒醴醉飛揚。

五六斂彩韜光
可見藏身之固

吟鞭絕句

白草諸陵夜氣降。流泉百道響淙淙。不知玉鶴來何處。
飛入燕山但六雙。虎谷金山冷翠微。寶光日午照人衣。松杉幾處埋紅玉。
不識君王若個妃。澶淵一戰事如何。池上蓮花落瓣多。借問蕭文何處所。
宮中畱得太平歌。香水香雲咫尺間。前宵清夢在禪關。幾回小窳城邊立。
秋雁飛過畫字山。

一曲琴聲萬壑清。蒲輪惆悵曉催行。公孫當日真如鳳。
此處鐘山叩不鳴。

歷紀遊覽字字徵實妙有餘韻可尋不同意盡景中者

章本成

字大枝號密林會稽人諸生著有密林詩集
密林為西園十子之首天真爛漫見人或
矚目不語或媿媿弗休雜以詼諧咸樂就之
幕游所得半助戚黨中貧乏詩得浣花一體

出門

還家甫兩旬。出門何所適。人生逆旅浮。我又客中客。身
登不繫舟。室畱未煖席。妻孥慣別離。惟勉各盡職。去去
勿復戀。江帆健如翮。

妻孥十字沉痛情翻
作洒落語倍覺黯然

石鐘山

石鐘之山石萬象。雲崩星落橫決滂。高者重屋下軒楹。
小者羣羊巨魍魎。樹掛千尋絕壁幽。水搜萬竅蒼崖敞。
差。我。不。及。匡。廬。腰。突。兀。如。扼。彭。蠡。吭。長。風。疾。捲。浪。奔。騰。
日。夜。乾。坤。相。滌。盪。蘓。子。好。奇。奇。始。露。噌。吰。一。夕。聞。清。響。
蒼苔看遍舊題名。悲哀倏忽生俯仰。

鷺

白鷺鮮於鶴。蕭閒野性同。淥波分點點。春雨入濛濛。洗

白鷺神

翻身常暇。防人腹屢空。哀鳴聲未遠。且幸免牢籠。

樊川春夜過王素堂七丈別墅

夜月湖光大。危橋怯我心。犬聲連水動。花氣抱村深。之
子芸窻坐。懷人竹檻陰。此時聞剝啄。剪燭好同吟。

三四夜
景難描

泛賀池

狂客栖尋處。池寬水拍天。四圍界樹色。一艇到雲邊。鳥
狎斜欺浪。山遙易受烟。陂塘如可築。種柳此高眠。

山遙易受烟
五字足傳

篷窗

瞬息蓬窗改見聞。水光浩蕩杳難分。大江日澹如浮月。兩面帆輕似過雲。天樹始終青合杳。山巒表裏翠氤氳。烟深野濶愁侵晚。沙上寒鷗自戀羣。

氣味深厚
不落纖妍

將之沔陽有感

攬鏡驚看兩鬢華。又攜書劍向天涯。夢魂不定風中葉。骨肉無多秋後瓜。兄已成人難問姓。兒方啼乳便離家。傷心楚峽吟猿夜。莫使三聲近客槎。

激楚之音
不忍卒讀

金陵雜感

蟠龍王氣已全收。繞郭蒼涼見廢丘。瓦碎鴛鴦都作路。巢空翡翠竟無樓。南朝舊誤依天塹。西浦新波弄水漚。不解傷心僧慣聽。蔣山風雨夜來秋。

白下繁華意不忘。千年彈指惜流光。烏棲古道長千里。

燕失雕梁少婦堂。草滿石城荒落月。泥銷金粉賸殘香。

鷄鳴埭口晨行客。何處鐘聲是景陽。

楊花吹雪燕雛飛。踏徧香塵不記歸。狂客偶論千古事。

老人還濕數行衣。儘教玉樹歌長夜。翻遣銅駝怨落暉。
暗指野烟深影裡。當年青瑣接朱扉。

會聞紅雪競新聲。鈿瑟瑤箏上客迎。語向人傳渾似夢。

情隨事變但知名。織雲暗學春衣捲。好月多因舞影生。

花底有誰工樂部。填詞空老柳耆卿。

許景仁字槩子號澗翁山陰人著有澗上詩鈔一枝軒集

春日同斗山石屋禪林卽景

鳥語出深巢。春風破寂寥。就雲崑作屋。依澗竹爲橋。落日松杉合。山家笋蕨饒。支筇欣入社。不問路迢遙。

涇州過河作

山城曉露隔溟濛。涇水西流路轉東。馬跡成窪連日雨。
鴈沙布陣大河風。荒荒草驛當秋盡。漠漠鄉關似夢中。
感歎浮生同敗葉。天涯誰與慰飄蓬。

羈人易愁風雨爲甚况泥塗跋

涉時耶三四寫出北行况瘁

金又坡奇爲吾黨怪魁而詩却平易近人圭臬中晚此取其尤韶秀可觀者

送友西行

春草滿江汀。飛花度鵲鴿。片帆生夜雨。茆屋帶春星。天

入。三。秦。白。雲。開。二。華。青。土。風。多。擊。缶。過。客。不。堪。聽。

頸聯恒
語自佳

錢塘懷古

百。里。潮。流。駕。海。來。水。犀。蕩。漾。玉。壺。臺。雲。連。瑤。島。三。千。丈。
月。湧。銀。沙。十。二。洄。古。岸。魚。龍。秋。霧。捲。高。帆。風。雨。越。江。開。
獨。愁。封。禪。南。遊。日。方。士。三。山。去。不。回。
東。浦。橫。連。第。一。橋。御。園。烟。鎖。晚。風。飄。櫻。桃。露。重。浮。金。梳。
楊。柳。春。深。度。玉。簫。波。湧。兩。湖。漁。火。亂。沙。明。十。里。馬。蹄。驕。
傷。心。華。月。高。樓。近。郊。外。青。旗。久。寂。寥。

候。仙。亭。接。露。華。飛。道。士。茅。山。拾。翠。微。曾。記。巖。前。逢。玉。女。
誰。云。洞。口。見。青。衣。啣。杯。丹。井。人。空。老。鼓。瑟。靈。邱。鶴。未。歸。
可。是。吳。洲。憑。閨。苑。通。元。峯。頂。但。相。依。

三詩氣勝於
詞不覺繁縟

中秋夜醉飲西園

清。輝。萬。里。正。當。樓。特。為。姮。娥。宛。轉。留。美。酒。十。千。消。夜。半。
散。朗。多。姿。
疎。星。三。五。掛。城。頭。故。人。緱。嶺。吹。笙。去。仙。女。秦。臺。跨。鳳。遊。
共。說。小。山。詞。賦。好。淮。南。桂。樹。總。宜。秋。
少。年

少年遊俠五陵豪。意氣如雲耀錦袍。寒鎖重樓封荳蔻。春回別館醉葡萄。慣拋金彈飛黃捷。學舞龍泉太白高。行樂及時須秉燭。朱門臺榭易蓬蒿。

學舞二字調笑
少年結寓感慨

陳志學 字聖基號少亭上虞人諸生著有鼓吹天管等集

和謝淡峯登爐峯韻

東南形勝簇層巒。蘿葛攀躋路鬱蟠。石勢欲參星斗近。松聲半捲海潮寒。詩成絕頂原無和。花放長春更耐看。八百湖光來眼底。始知高處有奇觀。

姑蘇懷古

妄言一舸載西施。却笑三高祀范蠡。夜月荒苔迷虎阜。秋風落葉滿雞陂。今朝我愛吳孃曲。當日人驚越國師。霸業消沉同逝水。傷心不獨在鴟夷。

風格恬雅措詞
之穩又其餘事

鄔希文

字亦范餘姚人諸生。亦范工文章善琴畫。亭亭玉立贅居吳門會為余寫中泠試茗圖。

自題其上云。憑將大落墨寫出小游仙。乾隆丙辰。應制科。余贈以詩。何人豫掃迎門雪。看爾新銘克敵弓。用周必大洪景伯應宏博科事。

楚宮詞

細腰起舞翻游龍。鈿車七寶聲隆隆。巫山曉雲張素空。
芳蘅愁結秋影中。金鵝屏敞鉛華夢。輕裾文履行烟重。
銷盡荆王萬古魂。啼痕裂竹寒蟾凍。

宛然奉禮古
錦囊中句

酬吳興沈芥舟舍人

白雪高難和。青冥近得梯。家風留八詠。鄉夢落雙溪。
謝豹穿花出。吳蠶上簇齊。他年尋舊隱。休使入山迷。

涉江

盡攬長江勝。全憑一葉舟。龍銜初落景。鴈帶已涼秋。世

路原非險。吾生自歎浮。滔滔千萬里。赴海總東流。

秋雨

○雋○妙○
枕上聞疎雨。猶疑墮葉聲。離離殘夢盡。黯黯暮愁生。暑
簟棄還戀。寒衣裁未成。年年感搖落。蟋蟀莫先鳴。

題南華山人畫松

廣霞弭節最高峯。老筆峻嶒寫坐龍。縵縵古雲看不厭。
六朝人似六朝松。
杜陵韋曲各爭春。那及蒼髯不壞身。把臂居然成勝友。
六朝松似六朝人。

二絕與米家園
似米家燈同調

秦淮水閣

嫩金宮柳好栖鴉。絲雨無聲濕杏花。十二闌前春似水。
秦娘船到正琵琶。

箏姬

春鶯啞啞轉吳烟。秋鴈離離下楚天。好是十三年紀小。
背人偷數碧絲絃。

題扇

自將團扇寄眞容。隔院催詩墨未濃。畧比風流周少谷。

偶臨秋水畫芙蓉。

廬山道上

昨日廬山翹首望。今朝眞個到廬山。欲搜好句摹清景。
已在雲收電掣間。

較清景一失後
難摹更深一層

劉世貴

字芸文號雲門山陰人諸生著有嘯月齋集

骨年未三十以勤學死海門每向余道及輒相對

流涕西園十子中惟石帆學士成名最早而毀壁
摧柯之痛莫如雲門

秋草

才人無祿洵可哀已

陌上時相見。茸茸色漸無。涼風吹不斷。零露濕還枯。已謝飛花襯。空勞落葉鋪。浮生參物理。所貴托根殊。

三四從香山春草化出可謂善於脫胎結語意象超絕

邨燈

向晚江頭立。邨燈一片紅。穿林光不定。隔浦影相通。野岸人初靜。高天月正中。時時聞撒網。烟際有漁翁。

後四句一氣鼓鑄中有邨燈隱隱在內真得咏物三昧

偶興

桑柘陰陰翠影稠。閒身只合臥林邱。坐來深竹不知暑。

聽去遠蟬如帶秋。風定輕烟籠野寺。雨餘殘照入江樓。

十年塵夢今初覺。消受南村景物幽。

三四有渭南清風掠地秋先到赤日行天午不知之致

題畫團扇

生綃一握涼。水墨圖幽景。彷彿月輪中。倒入河山影。

是畫團扇
胡驥 字上樞 山陰人 太學生

遊陡疊北原精藍

夙慕張邴徒。久乖名山賞。岐軌困塵鞞。支離坐鞅掌。佳會良招攜。褰裳事欣往。櫻景明薄蔭。巖巖颺迅淒。爽連筠。

擢空翠。貞柯捲霄上。欹橋鎖迴澗。寒烟骨虛舫。瑟瑟葦
 岸疎。漸漸麥畦長。初地屢登陟。界濶收萬象。宇曠海氣
 孤。霜空駕羣響。高棕暢始洽。道懷益以朗。安從鹿門翁
 採藥渡漢廣。

泊潮丈亭

繫舸丈亭晚。夜潮猶未歸。數家殘雪岸。野飯白沙磯。戍
 角咽欲斷。江鳥凍不飛。坐憐巖石叟。何事獨忘機。

三四似對非對寫
寒江晚泊如畫

贈澳上人

更別西湖歲又除。過江冰雪映清癯。諸天不夜燈千級。
 萬象難空飯一盂。馬麥舊緣何日了。鶴林新偈未應無。
 隔溪陶令閒居在。欲遣門生舁笋輿。

讀第四句如見搬柴運米之忙令人
失笑覺晨鐘暮鼓無非烟火叢林也
吳修敬字期安號遜堂山陰
人著有遜堂贖稿

登徐家塾臺

混混海波流。蒼茫不散愁。墩花嬌宿蝶。莎草軟眠牛。落
詞高意遠
 日啣山寺秋。風滿戍樓頓忘歸路遠。衣拂野藤鈎。

八月十五夜同好山諸弟即席分賦

走
茲夕開清讌。樽罍傍月明。壯心隨地發。老興逐秋清。輪
滿無遺照。杯寬得細傾。勸酬諸弟在。熟視轉傷情。

壯志未衰忽驚頭白酒酣耳熱輒動悲歌結語
視諸弟而傷情蓋有徧插茱萸少一人之意

次海上人初秋寫懷原韻

情牽野鶴與孤雲。稚子喧呼總畏聞。歲稔猶書乞米帖。
才疎偏著送窮文。繩床夢斷梁間月。精舍談餘樹杪暉。
久擬天親與無著。露明葭莢倍思君。

善帖乞米著文送窮安
貧可知近道亦可知

劉大申字來嶽號柳村山陰人諸生著有柳村自鳴
集○柳村為宛委先生冢子負才學康熙丁

西雍正王子兩得鄉薦皆報罷年屆古稀猶應試
意氣激昂若無抑塞之態嘗自題齋壁曰有工夫讀
書便為造化得功名到手纔是文章其興趣如
此竟賚志以沒無子以季弟雲谷子傳鉞為嗣

雷門鼓歌

句吳築城蛇作象。越王厭勝開雷門。雷門鼓聲振天地。
朝打暮擊夫差昏。吾聞越人善制敵。范蠡提鼓辭王孫。
助天為虐只一擊。吳君膽落吳師奔。蕭蕭振旅歸宗社。
彼鼓勝敵此更尊。警衛無煩徹殿陛。記里不用巡郊原。
有時青天走霹靂。洛陽聞之亦驚魂。如何流傳千百載。
鴟張豕突來孫恩。何仇於鼓乃輕裂。中有白鶴高飛騫。

未知此鶴何年入頓教。此鼓多年喧。一朝破碎不收拾。雷門舊號依然存。竭來布鼓亦可過。虛名陳事君休論。

依事直書間露一二結撰語便有神采如嵩家作平遠山必須雲外奇峯映襯也

天池山人青藤歌

君不見靈和殿裏楊柳枝。金絲嫋嫋晨風吹。又不見王家老槐高百尺。亭亭如蓋垂廣宅。乃知草木本無主。運亦如其人所處。山人高臥稽山側。青青之藤嘗自植。左挈右攬蟠龍蛇。翠黛霜皮老顏色。如何大枝屈曲不得伸。小枝散漫無收拾。可憐夜半風雨時。蕭蕭颯颯吟聲

悲。堆墻落葉何人掃。地下山人知不知。

聞猿

于山深不極。隱隱有猿啼。為聞字描神遙夜雪初下。空林枝漸低。掛藤愁未穩。擇木畏終迷。我亦悲岐路。聞聲自慘悽。

書燈

苦雨酸風夜。殘膏對一編。眼光時並落。心火已同煎。炤得千行字。消來幾許年。不知誰誤我。寒極未曾眠。

郊島苦語從鏤肝鉢腎得來

初抵處州

暫息東甌。駕霜林葉已紅。花宮一水外。茅店萬山中。地僻人烟少。城荒虎跡通。筍輿與吾已倦。只擬掛孤篷。

天台追紀貝子功績

浙東嶺嶠齒唇依。半壁鴟張事漸非。玉帳肅清來帝子。金枝嚴重帶天威。籐籬先徹謀如晉。水陸成擒將是飛。從此長鯨已破膽。仙霞烽火望中微。戰血平分剡水流。越中累卵釀千憂。霽雲嚙齒憑誰救。鉅虎沉舟誓不留。直以偏師斷右臂。漫勞浮海取東甌。如茶如火爲鵝鸛。十萬懸軍夏及秋。

劍。鋌。遙。指。赤。城。寒。路。梗。妖。氛。次。第。刊。圍。匝。三。重。誅。叛。亟。網。開。一。面。受。降。寬。馬。蹄。攀。磴。宵。中。度。鵬。翮。穿。雲。戰。後。盤。父。老。至。今。祠。下。拜。太。平。已。久。話。猶。歡。百。年。安。穩。臥。薰。風。尚。憶。羅。平。妖。鳥。狎。南。國。干。戈。思。吉。甫。東。山。哀。繡。識。周。公。滇。黔。聲。氣。殘。棋。外。閩。越。關。津。聚。米。中。想。得。先。皇。倚。仗。切。不。須。異。姓。夢。飛。熊。

熟讀老杜諸將五首
得此筆力得此氣格

讀史有感

壯氣消來冷似冰。商山有伴好同登。行年七十誇奇計。

走風
多事。還應惜范增。

帶水沾泥其累在戀亞父不早見幾誠可惜也多事二字提醒末路英雄不少

螢苑

一瞬繁華逐逝波。空將游宴釀干戈。而今螢火非開放。鷓鴣聲中腐草多。

陳榮杰

字無波會稽人布衣。無波博學洽聞性疎放縱談古今辟易四座詩格清麗尤工集唐隨題拈韻湊泊天成晚歲客死三楚生平著述蕩然罕存藝林咸惜之

紅橋送王鶴門太史

連朝愁送別。風雨滿關河。今日紅橋上。誰人白髮多。邗

溝搖晚樹。胥浦上春波。與爾此分手。離情如酒何。

龍城暫駐

一片南游興。龍城僕又痛。旅愁逢暮慘。鄉夢入秋孤。自洗沾泥屐。誰生煮藥爐。蠻方多瘴癘。吾亦愛微軀。

聞道

聞道天堂寨。豺狼性未馴。取苻同鄭盜。盟貫異黃人。烏合雖云衆。狐鳴莫認真。慙勤買牛犢。永作太平民。

此詩指乾隆壬申楚中事三四引用確切不浮

金陵懷古

雨花臺北舊神州。王氣如塵一片收。晉宋六朝雲物老。淞和百戰荻蘆秋。門闌社燕春猶入。王會南夷舶自浮。玉樹後庭歌不盡。梨園同結古今愁。

胡裘錡 字亦超號西垞山陰人諸生

寓山寺卽興

古木森蔽虧。駭旭漏清曉。寺樓寂如水。意出遠山杪。流泉入吾耳。爲洗萬累擾。忘言誰或知。試舉問棲鳥。

寺樓十字淡不可畫十年山中遊得此清真趣此類是也

詠劍

雄龍銜銜雌刺舉。未是千年別人處。鍊盡媧天石骨寒。白日無聲自風雨。主人醉膽照并州。庭樹泣舞西帝愁。荆軻青血凍不收。斜光撼撼酸秋眸。

短兵相接毛骨竦然

別羅老薑

花間日日報詩成。又向花前賦遠行。交到十年非不久。別當垂老豈無情。蕭梁寺古秋先覺。章貢江寒感易生。今夜二分杯底月。祇應偏爲兩人明。

清婉流麗如曉山明翠爽氣襲人

鄭錫字彝章號雲叟會稽人布衣著有書帶草堂詩稿

玉山曉發

喔。喔。晨。雞。唱。濛。濛。曉。霧。昏。野。塘。欹。岸。脚。山。縣。入。雲。根。花。落。纖。纖。雨。溪。流。處。處。村。人。家。依。壞。堞。兵。火。半。無。存。

晚渡彭蠡湖

心。與。波。濤。壯。乘。風。汗。漫。行。遠。帆。隨。鴈。去。晚。樹。接。雲。平。涉。險。憑。忠。信。觀。空。出。死。生。扣。舷。新。月。上。遙。見。九。江。城。

觀空出死生五字達觀一切非獨波濤不驚也

宿長壽菴

燈。影。如。人。淡。蕭。蕭。伴。一。菴。文。殊。唯。解。笑。彌。勒。與。同。龕。夜。月。清。金。鐸。秋。風。老。石。楠。英。雄。出。家。事。好。向。靜。中。參。

長沙懷古

山。林。熊。繹。舊。曾。開。騷。雅。靈。均。易。起。哀。草。長。方。城。三。戶。盡。雅韻月。明。湘。水。二。妃。來。蕙。蘭。何。處。畱。香。佩。雲。雨。多。情。暗。古。臺。盛。世。名。臣。遷。謫。少。不。須。惆。悵。賈。生。才。

送吳樸庭入都

酒。滴。真。珠。釀。別。離。河。梁。欲。賦。且。遲。遲。柳。枝。入。手。烏。啼。處。現成語如此工麗溪。水。漾。船。人。散。時。四。月。黃。梅。成。小。雨。一。窻。紅。豆。寫。相。思。

才名早動宣陽里。不賦蒼涼感遇詩。

寶意以詩見寄次答

第三廳上敞高秋。老筆縱橫歷九州。絕技魚龍方寓目。清歌絲竹屢回頭。班揚一一皆前席。曹檜紛紛盡小侯。應念菰蒲垂釣侶。綠蓑青笠未同游。

前身恐是公瑾叔夏一流佛氏所云結習未除者也附書一笑

婁賦會

字師豹山陰人

湖上

木末擎雲出閬天。明珠寒浸九湖烟。松林盡處梵音出。

遙見飛花入法筵。

吳歌

楊花。點。點。草。萋。萋。烟。雨。樓。邊。桃。李。蹊。莫。怪。近。時。郎。信。杳。聞。郎。昨。日。過。塘。西。

竹枝正聲

脚踏蓬窗放纜遲。開船又過水神祠。隔艙慢撥三絃子。唱出無情六板兒。

沈冰壺

字清玉號梅史山陰人歲貢生著有古調自彈集。梅史性孤附於時寡所合常有古人

不見我之恨喜博覽家貧無書恒借書披閱有得即見諸筆墨經史最所窮究更熟勝國諸老軼事

曾舉乾隆丙辰鴻博報罷詩不規規講求音韻采
色而善於持論觀其咏史樂府可見一斑今體非
所長故
不錄

哀凍人 出穆天子傳

北風雨雪哀凍人九重惻隱猶念民羽林暴書蔡邱讀
好文之主非鹿鹿吁嗟西王母胡不誦祈招之詩以侑
酒

小弁誤 見趙岐孟子注及琴操

采。檉。花。悲。無。家。小。弁。親。親。涕。泣。而。咨。嗟。嗚。呼。宜。日。與。聞。
乎。弑。父。伯。奇。之。孝。匪。其。伍。

三歸艷 三歸不作臺名解本漢書

管大夫娶三歸臣身未能屏聲色內嬖六人何用規此
區區者不害霸一匡九合功巍巍功巍巍君心荒三豎
用國幾亡始知周召非迂濶旅獒無逸章琅琅

蘆中人 出吳越春秋

蘆中人蘆中人顛連患難死為隣乞食吳市困且劇王
僚召見為謀臣此時分義定僚何仇兮光何親急欲報
死父甘心戕生君豈獨鞭死稱不仁胥乎胥乎夫差疑
爾非一日宰詔之讒殊有因

目光如炬
史筆如山

何氏廬

寧居何氏廬。不願為曹氏子。一。語。鐵。判。不入司馬黨。安得不為曹氏死。平叔忠孝誠兩全。宗旨老莊何損焉。謀去強臣張帝室。史臣佞筆書反逆。正始選舉最得人。公論難泯出晉臣。見傅。擬。人。咸。疏。倫。妄傳粉白不去手。湯餅之試君知否。吁嗟乎搔頭美姿誣李固。贖贖千載人不悟。

我負卿

孔熙先志久抑。三十尚為郎。那得不作賊。熙先作賊負

帝明。帝猶痛惜不絕聲。有才如此我負卿。帝乎。帝乎。誠。。植。公。含。笑。憐才壞汝萬里長城胡為哉。

崔司徒

崔司徒殊可惜。既死之後空太息。議賢議功盛世事。俄頃畱侯五族赤。飛昇不得老子術。圖錄真經竟何益。或云滅佛報仙不能救。佛豈能厄。

南陽怨

隋煬帝女

天下擾擾頻顧影。練巾終上好頭頸。隋人盡滅宇文氏。誰知仍從宇文死。夏王草竊能討賊。唐公父子含愧色。

辛公名臣號稼軒。稼軒之意重力田。南方人戶趨末作。浮靡相逐室如懸。虜中自拔費盤錯。叛人之頭手斫落。孤身不屑仕苻堅。却笑英雄王景畧。飛虎軍備安庫壁。結。逸。而。悲。畫兵食次第布斜陽烟柳斷腸句。至今大聲猶在墓。

鑿舟歎

湯湯瓜埠水。林兒鑿舟死。真人已立金陵城。向日君臣

虛稱耳。吁嗟乎項王。寃負不義名。漢高發喪非至誠。宋

韓林兒都亳州。封明祖為吳國公。明祖既定天下。遣廖

永忠逼林兒遷都舟。至瓜步。永忠鑿舟家屬溺死。與項

王江中之

弑無異

東林詠

莫言東林賢。未必盡君子。若欲殺東林。狼戾甚於此。傷

哉天啟末。諸公駢首死。禍與國運相。終始南渡紛紛。猶

不止。

韓

經

字聖六號浣村山陰人

秋夜

他辭寒常早。夜闌思轉幽。風因窗外樹。月在水邊樓。落

葉深秋夢。孤燈耿遠愁。忽聞征鴈過。慚愧稻粱謀。

鍾之樞

字星環山陰人國學生

咏竹和仲兒

竹弱節偏多。馨折已知警。葉落不為秋。碧色夏長冷。有時不自持。羣動靜亦靜。植者深其根。何憂風力猛。

悼亡

鴻飛願其羣。雉雒求其偶。結髮縮同心。誓謀金石朽。相期舉梁案。何意擊莊缶。伊昔誰無死。所爭先與後。後者哀先者。百年不相守。百年能幾時。彈指總烏有。死歸何言天。生寄胡稱壽。情以同宰暫。而維同穴久。窮泉果有知。聽歌免疾首。

劍

寶劍凝霜雪。空山遁鬼神。相看聲色壯。頓覺語言伸。物貴應難置。時危得暫親。飛騰知有日。惆悵望龍津。

贈周處士

草野多奇士。沉淪失姓名。少年學書劍。垂老守柴荆。入世寧無意。潛身自有情。我來話疇昔。感慨淚縱橫。

不寐

海濶日猶沒。城低月易沉。犬聲爭巷黑。賊影狎燈陰。獨醒勞雙眼。多聞亂一心。誰言高枕穩。永夜費長吟。

歸雁。心結言高。林然不。費。是。何。

時。至。復。何。戀。飄。然。天。路。歸。自。能。占。氣。候。不。敢。愛。芳。菲。鼓。

翼。從。風。疾。冲。雲。落。影。微。沙。汀。折。羽。盼。望。獨。依。依。

通肖少陵
詠物諸作

春盡

春。從。何。處。斷。草。木。結。陰。繁。誰。念。蕭。條。日。祇。憐。雨。露。思。青。
深。蝴。蝶。夢。綠。擁。杜。鵑。魂。自。此。炎。威。盛。山。人。好。閉。門。

送大女還家

爾。來。心。亦。苦。爾。去。意。加。酸。病。榻。晨。昏。冷。空。房。弟。妹。寒。放。

船。遲。日。落。到。舍。定。更。闌。同。一。山。前。月。傷。心。兩。地。看。

酸心語不忍多讀想其
下筆時泪花濕透紙背

王秉和 字公泰會稽人乾隆丙辰進士授翰
林庶常改刑部主事歷官衡永郴道

登蓬萊閣書感

光。然。一。閣。闔。滄。桑。鳥。色。濤。聲。入。畫。廊。如。有。宿。緣。思。鬱。鬱。

已。成。仙。界。坐。茫。茫。孤。帆。險。道。征。人。遠。危。磴。磽。田。稗。子。香。

幸。得。蘇。公。章。奏。入。何。言。觀。象。括。坤。囊。

次韻答陶石湖

那。得。今。生。望。賜。環。虛。傳。霧。豹。見。微。斑。景。行。蓮。洛。愁。中。色。

逸少蘭亭夢裡山無數仙樓勾我住不多詩卷待君刪
休嗟暮景蹉跎過畱得名存巖壑間

誦二詩知作者清華舊感實有難忘

邵昂霄字子楨餘姚人貢生

紅蓼灘弔趙子昂

尋常烟火逼溪寒松雪門牆倚棹看斜照半林秋似畫
蓼花紅過摸魚灘

傅汝翼字又如號柳圃山陰人

桐城僧館對梅

早梅已報故園春潦倒詩魂滯淡旬僧舍官曹甘耐歲
雪廬冰灶不嫌貧片雲夢斷江南路杯酒忻逢世外人
多少名場今舊雨一枝借爾寄風塵

過界牌嶺山左江東分界處

襍被三年海曲城歸來依舊一肩輕賓鴻主燕分南北
落葉寒蟬解送迎板浦霜深秋自老雲臺路濶日初晴
蕭蕭馬首愁行旅底事居山不學耕

鄭雲叟過訪

寒村夢斷老漁舟彩鳳樵歌足唱酬野水纔添紅稻岸

故人初下白蘋洲。披蓑過雨三江濶。拄杖當門萬樹秋。

雲叟善畫山水

別淋漓饒醉墨。鵝溪新寫李營邱。
柳圃精於畫理。拄杖當門。七字不減營邱。



